

# **IMAQARNILIAQ AIA - Aningaasaqarnermut Inuussutissarsionermullu Ataatsimiititaq 22-09-2022**

**Ulloq ataatsimiiffissaq**    Torsdag 22. september 2022 kl. 16:00

**Ataatsimiiffissaq**        Kommunalbestyrelsip ataatsimiittarfia

# Indholdsfortegnelse

Saqqaa.....	3
Oqaluserisassat akuersissutigineqarneri.....	4
Nalunaarutit.....	5
Aqutsisunut piginnaasanik ineriartortitsinissamik tunniussinermut tunngaviit.....	6
Nunaqarfimmi aqutsisut isumasioqatigiissinneqarnerat 2022 aamma nunaqarfinnut immikkoortumi	8
Tunami nunaqarfinni angerlarsimaffimmi paarsisartoqarnermi neqeroorummi allannguineramik ilisi	11
Atuartut angerlarsimaffiannut innersuussinermut ataatsimiititamik pilersitsineq.....	14
Imigassanik aalakoornartulinnik sassaalliinissamut akuersissummut type B-mik qinnuteqaat.....	17
Nuummi Najukkami Ataatsimiititaliap 2022-mi aningaasanik atugaanik nuutitsineq.....	20
Ivittuuni Aatsitassanik Mineralinillu Katersugaasiviup inissinneqarnera.....	23
Suliffeqarnermut Isumaginninnermullu Ataatsimiititap angalaneranit nalunaarusiaq.....	27
Folketingimut 2022-mi qinersisoqarsinnaananeranut qinersinermut siulersuisunik pilersitsinissaq.....	30
Kukkunersiuinissamut neqerooruteqartitsineq.....	33
Siulersuisunut ilaasortanik sinniisunillu nutaanik taasineq.....	36
Ukiumoortumik naatsorsuutit 2021 – naatsorsuutit inaarneqarneri kukkunersiuisut oqaaseqaataanni	38
2023-mut missingersuutit siullermeerneqarneri.....	41
Inuusaq atorlugu suliniut - kinguaassiuutitigut peqqissuunissaq.....	47
Kommuneqarfik Sermersuumi inuussutissarsiutit tunngavigalugit atuaqatigiinnik pilersitsineq.....	53
Tapiissuteqartarnermut malittarisassanut nutaanut siunnersuut.....	57
Suliffeqarneq pillugu politikki 2023-2033.....	61
Kommunimut pilersaarummut tapiliussap 3A8-4 Iiminaq, Nuuk inaarutaasumik akuersissutigineqar	64
Lukket.....	67
Tamalaat.....	68
Imaqarniliap akuerineqarnera.....	69

## **Punkt .: Saqqaa**

### **Ilaasortat:**

Avaaraq S. Olsen (IA) *siulittaasoq*

Juaaka Lyberth (IA)

Uju Petersen (IA)

Ken Madsen (N)

Justus Hansen (D)

Inga Dóra G. Markussen (S)

Dorthe-Marie Mogensen-Fontain (S)

### **Beslutning**

#### **Ataatsimeeqataasut:**

Avaaraq S. Olsen (IA) *siulittaasoq*

Juaaka Lyberth (IA)

Uju Petersen (IA)

Justus Hansen (D)

Inga Dóra G. Markussen (S)

#### **Attaveqaatitigut peqataavoq:**

Ken Madsen (N)

Dorthe-Marie Mogensen-Fontain (S)

## **Punkt .: Oqaluserisassat akuersissutigineqarneri**

### **Beslutning**

Oqaluserisassat akuersissutigineqarput.

# Punkt .: Nalunaarutit

## Beslutning

Siulittaasumit Avaaraq S. Olsen-mit (IA) nalunaarutit:

### Sap. Ak. 36

Inoqarfiit minnerit pillugit ataatsimeersuarneq – Isumaginninnermut, Suliffeqarnermut, Nunamullu Namminerit Naalakkersuisoq, Jess Svanep aaqqissuussaanut peqataavunga.

Ataatsimeersuarnermi sammisavut ukuupput:

- Atserineq aqqusergillu pillugit ajornartorsiutit misilittagarineqartullu
- Inissiaqarnerup inissiallu peqqissutsimut siunniutai
- Inoqarfinni umiarsualiveqarnerup, angallassinermut kiffartuussinissamut isumaqatigiissutit iluanni pisariaqartitat ersarissarneri \_

### Sap. Ak. 37.

**14. sept.:** Nuuk Film Festivalimik ammaanersiornermut peqataavunga.

**19. sept.:** Vestnorden Travelmartip ammaanersiorneranut peqataavunga.

### **Nalunaarutissat allat:**

NSIP ulloq, 26-09-2022 sulisartorpassuarnut inissiat sammitinneqartut pillugit ulloq naallugu ataatsimeersuartitsinissamut peqataassaanga.

# **Punkt 1: Aqutsisunut piginnaasanik ineriartortitsinissamik tunniussinermut tunngaviit**

## **Beslutning**

Ilisimatitsissut tusaatissatut tiguneqarpoq.

## **Bilag**

Aqutsisunut piginnaasanik ineriartortitsinissamik tunniussinermut tunngaviit

## Aqutsisunut piginnaasanik ineriartortitsinissamik tunniussinermut tunngaviit

Ilisimatitsissut

SagsID.: EMN-2021-10173

Suliffeqarfimmut Kiffartuussivik - vicekommunaldirektøri Marie Fleischer / MAFL

### Inassuteqaat

Suliffeqarfimmut Kiffartuussivimmit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq

- ilisimatitsissut tusaatissatut tiguneqassasoq

### Suliassamik saqqummiussineq

Aqutsisunut piginnaasanik ineriartortitsinissamik tunniussinermut tunngaviit uani uppersaammi aqutsisumut piunasaqaataasut, qanoq ililluni kommunimi aqutsisut piginnaasassat pisariaqartut pinissaannut sinaakkuserniarneqassapput.

Aqutsisup piginnaasai piukkunnaataalu, siunissamut isiginnittumik kommunip innuttaasunik pitsaanerpaamik sullissinissaanut aammalu sulisorisat akornanni nalerisimanissamik pitsaasumik pilersitsinnaanissaanut aalajangiisuupput, taamaalillunilu Kommuneqarfik Sermersooq suliffigissallugu tamanit pilerinartutut misigineqarluni.

Aqutsisunut tamanut piukkunnaatinik ineriartortitsinissamut tunniussinermi tunngaviumik qulakkeerneqassaaq, aqutsisutta ineriartortitsinermi sakkussatut pisariaqartitaat tunniutissallugit, ataatsimut isiginnittumik nalileereernermi.

Tunngaviit ilanngussaq 1-imiittut takukkit

### Ingerlatsivimmit aningaasatigut sulisoqarnikkullu naliliinerit

Pikkorissarnerit/ilinniarnert qaninnertut aqutsisorisamit, aningaasaqarneq pillugu atsiorsinnaatitaasumit "Aningaasaqarnermut tunngasumik paasinninnissamut pilersaarut", naapertorlugu akuerineqaqqaassapput".

### Suliffeqarfimmut Kiffartuussivimmit aningaasatigut naliliineq

Pisariaqanngilaq

### Inatsisitigut tunngavissaq allakkallu tunngaviumik uppersaaitallit

- Aqutseriaatsimut tunngavissaq
- LUS (LederUdviklingsSamtale)

### Ilanngussat

1. Aqutsisunut piginnaasanik ineriartortitsinissamik tunniussinermut tunngaviit

## **Punkt 2: Nunaqarfimmi aqutsisut isumasioqatigiissinneqarnerat 2022 aamma nunaqarfinnut immikkoortumik pilersaarummik 2022-2025-mik suliaqarneq**

### **Beslutning**

Ilisimatitsissut tusaatissatut tiguneqarpoq.

### **Bilag**

2022-mi Nunaqarfinni aqutsisut isumasioqatigiissinnerannit nalunaarusiorneq

Nunaqarfinnut immikkoortumut pilersaarummik nutaamik 2022-2025-mut suliaqarnermi suliap ingerlariusissaa

# Nunaqarfimmi aqutsisut isumasioqatigiissinneqarnerat 2022 aamma nunaqarfinnut immikkoortumik pilersaarummik 2022-2025-mik suliaqarneq

Ilisimatitsissut

SagsID: EMN-2020-04607

Suliffeqarfimmut Kiffartuussivik - kommunaldirektøri Ole Jakobsen / OJAK

## Inassuteqaat

Suliffeqarfimmut Kiffartuussivimmit Aningaasaqarnermut Inuussutissarsiornermullu Ataatsimiititamut inassuteqaatigineqarpoq:

- nalunaarusiaq tusaatissatut tiguneqassasoq
- suliaq Kommunalbestyrelsimut ilisimatitsissutitut ingerlateqqinneqassasoq

## Suliamik saqqummiussineq

Kommuneqarfik Sermersooq ulluni 23. aamma 24. maaji 2022 Nuummi Nunaqarfinni Aqutsisunik isumasioqatigiissitsivoq, qulequtaralugu "Nunaqarfiit oqartussaaqataasut aammalu Politikkikkut anguniakkat".

Isumasioqatigiinnerup siunertaraaq Nunaqarfinnut immikkoortumik pilersaarutip nutarterneqarnissaanut (2022-2025) toqqammavissanik aammalu sinaakkutissanik suliaqarneq. Nunaqarfinni innuttaasunik ataatsimiissitsinermi qulequttatut sammisassatut kissaatigineqarsimasut oqariartuutigineqarneri aammalu Kommuneqarfik Sermersuumi massakkumut tigussaasumik iliuuseqarfigineqartut toqqammavigalugit isumasioqatigiinneq ingerlanneqarpoq.

Qulequttat pingaarneri Kommunalbestyrelsip augustip 29-ani immikkut ittumik sammisaqarnerani saqqummiunneqarput, maannakkullu nalunaarusiami ilanngussami 1-mi takuneqarsinnaallutik.

2017-imiit 2021-mut nunaqarfinnut immikkoortumut pilersaarutip nutarterneranut atatillugu isumasioqatigiinnermit oqariartuutigineqartut pingaarneri Suliffeqarfimmut Kiffartuussiviup ilanngullugit suliarissavai. Oqaloqatigiinneq toqqammavigalugu nunaqarfiillu aallaavigalugit sulineq ingerlanneqarnissaa aqqissuunneqarpoq. Siunertaavorlu susassaarfiit akimorlugit pilersaarut suliarineqassasoq, taamatutaaq siunertaalluni Nunaqarfinnut, Nunaqarfinni Aqutsisunut, Kommunalbestyrelsimut allaffeqarfimmullu sakkusaattut pilersaarutip suliarineqarnissaa. Missingersuutit suliaassallu ataqatigiissarnissaat aamma immikkoortumut pilersaarutip imarissavaa.

Nunaqarfinnut immikkoortumut pilersaarummik nutaamik 2022-2025-mut suliaqarnermi suliap ingerlariusissaa Kommunalbestyrelsip augustip 29-ani immikkut ittumik sammisaqarnerani aamma saqqummiunneqarpoq, ilanngussaq 2.

Nalunaarusiaq aammalu ingerlatsivinniit nunaqarfinni unammillernarsinnaasut pingasut pillugit, nunaqarfinni ingerlalluartut pingasut pillugit aamma nunaqarfiit ingerlalluartut pisariaqartitai suunersut pillugit saqqummiinerit aallaavigalugit Kommunalbestyrelsi 3. oktobar immikkut ittumik sammisaqarnermi nunaqarfinnut politikikkut anguniagassanik suliaqassaaq. Politikikkut anguniagassat immikkoortumut pilersaarummi anguniagassatut ilanngunneqarumaarput.

## Ingerlatsivimmit aningaasatigut sulisoqarnikkullu naliliinerit



Pisariaqanngilaq.

**Suliffeqarfimmut Kiffartuussivimmit aningaasatigut naliliineq**  
Oqaaseqaateqartitsisoqanngilaq.

**Inatsisitigut tunngavissaq allakkallu tunngaviusumik uppersaatitallit**  
Nunaqarfinni aqutsisut isumasioqatigiinnerannut toqqaannartumik atassuteqanngilaq.

**Ilanngussat**

1. 2022-mi Nunaqarfinni aqutsisut isumasioqatigiissinnerannit nalunaarusiorneq
2. Nunaqarfinnut immikkoortumut pilersaarummik nutaamik 2022-2025-mut suliaqarnermi suliap ingerlariusissaa

### **Punkt 3: Tunumi nunaqarfinni angerlarsimaffimmi paarsisartoqarnermi neqeroorummi allannguinermik ilisimatitsissut**

#### **Beslutning**

Ilisimatitsissut tusaatissatut tiguneqarpoq.



## Tunumi nunaqarfinni angerlarsimaffimmi paarsisartoqarnermi neqeroorummi allannguinermik ilisimatitsissut

Tasiilap nunaqarfiini 0-3-nut ukiulinnut paarsinissamik neqeroorummik pilersitsinermik ilisimatitsissut

Ilisimatitsissut

SagsID.: EMN-2022-07214

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### Inassuteqaat

Meeqqanut Atuarfeqarnermullu Ataatsimiititamiit Aningaasaqarnermut Inuussutissarsiornermullu Ataatsimiititamut inassuteqaatigineqarpoq:

- tunumi nunaqarfinni angerlarsimaffimmi paarsisartoqarnermi neqeroorummi allannguinermik ilisimatitsissut tusaatissatut tiguneqassasoq
- suliaq Kommunalbestyrelsimut ilisimatitsissutitut ingerlateqqinneqassasoq

### Suliassamik saqqummiussineq

Tunumi nunaqarfinni angerlarsimaffimmi paarsisartoqarnermi neqeroorummi allannguut ulloq 8. decembari 2021-mi Kommunalbestyrelsimi ataatsimiinnermi akuersissutigineqarpoq. Tamanna pivoq nunaqarfinni ukioqanngitsuniit pingasunik ukiullit paarineqarnissaannut pisariaqartitsineq matussuserniarlugu.

Ingerlatsivimmi kissaatigineqarpoq, allanngortiterinernek suliaqarneq pillugu ilisimatitsisoqassasoq killiffissiuineq ilanngullugu.

Nunaqarfinni Sermiligaami, Kuummiini, Tiilerilaami aamma Isertumi meeqqanut 3-niit 5-inut ukiulinnut neqeroorutigineqareersut angerlarsimaffimmi paarsisartoqarneq, 0-5-inut ukiulinnut angerlarsimaffimmi paarsisarnermik aqqissuussanngortinneqassaaq, ammasarfiilu ullumikkut 08.00-miit 15.00-mut, 08.00-imiit 16.00-imut tassa 1 tiimimik sivitsorneqassallutik.

Kulusumi meeqqanut 0-imiit 5-inut angerlarsimaffimmi paarsisarnermik aqqissuussaaq aamma akunnermik ataatsimik sivitsorneqassaaq, ullumikkut 8.00 - 15.00-mut ammasartoq 8.00 - 16.00-imut sivitsorlugu.

Nunaqarfinni angerlarsimaffimmi paarsisartoqarnermi illut naleqquttut pissarsiarisinnaajumallugit ingerlatsivimmi decembari 2021-mili qulaajaaneq ingerlanneqarpoq. Ingerlatsivik Iserit suleqatigalugu eqqumaffigivaa, Kuummiini, Sermiligaami Kulusummilu init anginerusut pisariaqartinneqartut.

Meeqqanik ukioqanngitsuniit 3-nut ukiulinnik paarsinissamik neqeroorutini tamani atortut pisariaqartut tamaasa, taakkununga ilaallutik nangilersuiviit, naalungiarsunnut siniffiit il.il. inniminnerneqarnissaannik suliniuteqartoqarpoq.

Sermiligaami, Tiilerilaami aamma Isertumi atortut piareerniariarpata meeqqanik amerlanerusunik inissaqartitsisoqalissaaq. Taamaattorli Sermiligaami kissaatigineqarluni, atisaajartarfimmi inissaqarnerulernissaaq aamma nillataartitsivik qerititsivillu ullumikkut pinnguartarfimmiitinneqartut inissaqarnissaat pillugit paarliup allineqarnissaa.

Maannangaaq Kuummiini meeqqat 14-nit paarineqartarput sulisunit pingasunit. Atorfinitseqqinnissaaq sulissutigineqarpoq, sulisut meeqqat amerlassusaannut nalimmassarniarlugit.

Nunaqarfinni ilinniarsimasunik piukkunnarsimasunillu sulisoqarnissaaq ingerlatsivimmit eqqumaffigineqarpoq. Ikiueqqaarnermik pikkorissarneq pingaarnersaatinneqarpoq, siunissamilu



ungasinnerusumi qaammatini qulingiluani ingerlasussamik Ulluunerani neqeroorutini ikiortitut ilinniagaqartitsinissaq.

Tulleriissaarisartut aamma ulluunerani neqerooruteqarfimmi fagcheffi septembarimi nakkutilliiartornerminnut atatillugu sulisunik angajoqqaanillu ataatsimiititsiniarput, allannguutit akigitallu pillugit tassani paasissutissiissutigineqassallutik.

### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatitallit**

- Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaat nr. 16, 3. december 2012-imeersoq, kap. 4 aamma 5.

### **Siusinnerusukkut aalajangiinerit**

*Meeqqanut Atuarfeqarnermullu Ataatsimiititaq, 07.09.22:*

Ilisimatitsissut tusaatissatut tiguneqarpoq.

### **Ilanngussat**

Ilanngussaqaanngilaq.

## **Punkt 4: Atuartut angerlarsimaffiannut innersuussinermut ataatsimiitamik pilersitsineq**

### **Beslutning**

Ilisimatitsissut tusaatissatut tiguneqarpoq.

### **Bilag**

Kommuneqarfik Sermersuumi innersuussinermut ataatsimiititamut innersuussinermillu ingerlatsinermut najoqqutassanik nassuiaammut utaqqiisaasumik siunnersuut

## Atuartut angerlarsimaffiannut innersuussinermut ataatsimiititamik pilersitsineq

Ilisimatitsissut

SagsID: EMN-2022-05388

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### Inassuteqaat

Meeqqanut Atuarfeqarnermullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- innersuussinermut ataatsimiititamik pilersitsineq pillugu ilisimatitsissut tusaatissatut tiguneqassasoq
- suliaq Kommunalbestyrelsimut ilisimatitsissutitut ingerlateqqinneqassasoq

### Suliassamik saqqummiussineq

Ukiup nikinnerani atuartut angerlarsimaffianni najugaqarneq pillugu nalunaarut nutaaq atuutilerpoq. Nalunaarutip ilaani innersuussinermut ataatsimiititamik pilersitsisoqassasoq peqqussutigineqarpoq. Innersuussinermut ataatsimiititaq taana sulianik attuumassutilinnik suliaqartunik kommunimi ingerlatsivinnit ataasiakkaaneersunik inuttaqassaaq, pisariaqassappallu allanik kiisalu oqartussanik attuumassutilinnik peqataatitsisinnaassalluni. Taamatuttaaq innersuussinermut ataatsimiititaq atuartut angerlarsimaffianni aqutsisunik oqaloqateqartassaaq.

Innersuussinermut ataatsimiititap atuartup kommunimi atuartunut angerlarsimaffimmut inissineqarnissaanut atatillugu, perorsaanikkut immikkut ikiorsiinissamut il.il. pisariaqartitsinermik, ikiorsiinissap suussusaanik annertussusaanillu kiisalu kommunimi atuartunut angerlarsimaffimmi najoqqutassat atuartup pisariaqartitaanik isumaginninnissamut naammannerinik naliliisarnissaq siunertaraa.

Innersuussinermut ataatsimiititap aamma atuartup pisariaqartitaasa atuartunut angerlarsimaffimmiinnerata utaqqiisaasumik atajuartussamilluunniit piffissaatinnagu naammassinissaanut atatillugu isumagineqarnissaat siunertaraa. Naggataatigut innersuussinermut ataatsimiititaq aamma atuartunut atuartut angerlarsimaffianniittunut pissaanermik atuisoqartillugu nalunaarfigineqartassaaq.

Innersuussinermut ataatsimiititaq nalunaarummi atuartumik, arlaleriarluni allakkatigut mianersoqquneqareernerup kingorna illumi ileqqorissaarnissamullu malittarisassanik unioqqutitsisumik immikkut ikiorsiinermik aallartitsisoqassaneranik aalajangiisinnaanermik ersarissumik pisinnaatitaapput. Ilutigalugu innersuussinermut ataatsimiititaq, atuortoq atuartut angerlarsimaffianni atuartunut sulisunulluunniit annertuumik ajoqutaasumik pissusilersorpat atuartut angerlarsimaffianniinneranik unitsitsinissamik aalajangiisinnaanissamik ersarissumik pisinnaatitaapput.

Innersuussinerup ingerlaneranut najoqqutassat nalunaarut nutaaq malillugu kommunip nittartagaani tamanut saqqummiunneqassapput. Tamanna tunngavigalugu Meeqqanut Atuarfeqarnermullu Ingerlatsivik innersuussinermut ataatsimiititap ingerlanneqarneranut innersuussinermillu ingerlatsinermut najoqqutassanik nassuiaammut utaqqiisaasumik siunnersuummik suliaqarpoq. Tassani immikkoortumi siullermi nalunaarut malillugu innersuussinermut ataatsimiititaq pillugu nuna tamakkerlugu aalajangersakkat nassuiarneqarput,



matumalu kingorna innersuussinermut ataatsimiititap katiterneqarneranut, akisussaaffimmik agguataarinnermut innersuussinermillu ingerlatsinnermut najukkami aalajangersakkat nassuiarneqarlutik.

Innersuussinermut ataatsimiititamut pingaarnertut akisussaaffik matumani sullissineq, allatsitut atuuffik ataqatigiissaarinerlu ilanngullugit, Meeqqanut Atuarfeqarnermullu Ingerlatsivimmi Atuarfeqarnermut Immikkoortortamit pingaarnertut ingerlanneqassapput. Najoqqutassanik nassuiaat innersuussinermut ataatsimiititami ilaasortat sinnerinut saqqummiunneqareerpat ukiumilu atuarfiusumi 2022/2023-mi innersuussinermut ataatsimiititap aallartisarneqarneranut atatillugu misilittakkat siulliit pissarsiarineqareerpata, najoqqutassanik nassuiaammi immikkoortup tulliani allanngortiterinissaq pisariaqalersinnaavoq.

### **Ingerlatsivimmit aningaasatigut sulisoqarnikkullu naliliinerit**

Innersuussinermut ataatsimiititamik pilersitsinissamut, ataavartumillu ingerlatsinissamut atatillugu aningaasartuutissat ingerlatsiviup nammineq missingersuutaasa iluannit akilerneqarsinnaapput.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatitalit**

- Atuariartortunut atuartut angerlarsimaffianiititsisarneq pillugu Namminersorlutik Oqartussat nalunaarutaat nr. 76, 21. december 2021-meersoq
- Kommuneqarfik Sermersuumi atuartut angerlarsimaffiannut immikkoortumut pilersaarut
- Atuarfik pillugu Inatsisartut inatsisissaattut siunnersuut nr. 15, 3. December 2012-imeersoq
- Meeqqat atuarfianni immikkut atuartitsineq ikiorsiisarnerlu pillugit Namminersorlutik Oqartussat nalunaarutaat nr. 21 8. dec. 2017-imeersoq.
- Naammattusaammik atuartitsineq, kalaallit danskillu oqaasiinik immikkut aaqqissuussamik atuartitsineq kiisalu ilitsoqqussaralugu oqaaserisanik atuartitsineq pillugit Namminersornerullutik Oqartussat nalunaarutaat nr. 21, 21. december 1999-imeersoq
- Inatsisartut inatsisaat nr 20, 26 juni 2017-imeersoq.
- Isumaginninnermik suliassaqarfimmi pissaanermik atuineq pillugu Inatsisartut inatsisaat nr. 1, 21. november 2013-meersoq

### **Siusinnerusukkat aalajangiinerit**

*Meeqqanut Atuarfeqarnermullu Ataatsimiititap, 07.09.22:*

Ilisimatitsissut tusaatissatut tiguneqarpoq.

### **Ilanngussat**

1. Kommuneqarfik Sermersuumi innersuussinermut ataatsimiititamut innersuussinermillu ingerlatsinnermut najoqqutassanik nassuiaammut utaqqiisaasumik siunnersuut

## **Punkt 5: Imigassanik aalakoornartulinnik sassaallinissamut akuersissummut type B-mik qinnuteqaat**

### **Beslutning**

Inassuteqaat akuersissutigineqarpoq.

### **Bilag**

1\_Tjekliste.docx

Niuerfiup suleriaasia

Imigassaq pillugu politikki

Kalallit Nunaanni Politiit

Meeqqanut Ilaqutariinnullu Ingerlatsivik

Meeqqat Atuarfeqarnermullu Ingerlatsivik

Sanarfinermut Avatangiisinullu Ingerlatsivik

## Imigassanik aalakoornartulinnik sassaallinissamut akuersissummut type B-mik qinnuteqaat

Aalajangiiffigisassaq

SagsID.: EMN-2022-07737

Suliffeqarfimmut Kiffartuussivik - kommunaldirektøri Ole Jakobsen / OJAK

### Inassuteqaat

Suliffeqarfimmut Kiffartuussivimmit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq:

- Hotel SØMA, Heide Dyreborg, Marinevej 3, 3900 Nuuk, imigassanik aalakoornartulinnik sassaallinissamut akuersissut type B pillugu qinnuteqaat akuersissutigineqassasoq

### Suliassamik saqqummiussineq

Suliffeqarfimmut Kiffartuussivimmit Hotel SØMA, Marinevej 3, 3900 Nuuk Heide Dyreborg-mit imigassamik aalakoornartortalimmik type B-mik imigassanik aalakoornartulinnik sassaallinissamut qinnuteqaat tiguneqarpoq.

Imigassaq pillugu Inatsisartut Inatsisaat nr. 35, 23. november 2017-imeersoq naapertorlugu imigassamik sassaallersinnaanermut akuersissummut siullermeersumik qinnuteqarnermik paasissutissat tamarmik Suliffeqarfimmut Kiffartuussivimmit pissarsiarineqareerput.

Tamatuma saniatigut qinnuteqaat Kalaallit Politiit, Qatserisartoqarnermut Oqartussaasut, Meeqqanut Ilaqutariinnullu Ingerlatsivik, Meeqqat Atuarfeqarnermullu Ingerlatsivik, Suliffeqarfimmut Kiffartuussivik aammalu Sanarfinermut Avatangiisinullu Ingerlatsivik tusarniaassutigineqarpoq, taakkulu oqaaseqaatissaqanngillat.

Suliffeqarfimmut Kiffartuussivimmit Hotel SØMA imigassanik aalakoornartortalimmik sassaallersinnaanermut akuersissummik type B-mik tunineqarnissaanut piumasaqaatinik naammassinnittutut nalilerneqarpoq.

Imigassaq pillugu akuersissutit ukiunut pingasunut atuuttusanngorlugit tunniunneqartassapput.

Kommuneqarfik Sermersuumi Kommunalbestyrelse tunngaviusumik akuersissuteqartarnermut atatillugu politikki malillugu imigassamik sassaallersinnaanermut qinnuteqaatinut itigartitsinermit tulliuttut tunngavigineqartarput:

- Suliffeqarfinni kantiinat imigassaqarfiussanngillat
- Innuttaasunut illut ataatsimoortarfiusut imigassallerfiussanngillat
- Cafeteriat, kaffisorniarfiit aamma grillbarit sassaalliisarfiillu assigisaat imigassanik kimittuunik tuniniaasussaasariaqanngillat. Taamaattorli sassaallertartut imigassanik kimikitsunik sassaallertarnissaat Kommunalbestyrelsimit aalajangerneqarsinnaavoq

Sulialli ataasiakkaat naliliiffigineqartassapput aalajangersimasumik nalilersuinissamut periarfissaqartassammat.

Kommuneqarfik Sermersuumi imigassamik sassaallersinnaanermut akuersissuteqarnermik aalajangersimasumik periusaavoq akuersissuteqartarnermut atatillugu Kommunalbestyrelsip politikkini malillugu assigiissaarinissamut toqqammaviusoq tulliuttut tunngavigalugit allatut aalajangiissalluni:

- Najugaqarfiit eqqaanni sassaalliisarfiit nutaat Kommunalbestyrelsimit illoqarfiup pilersaarusiorneqarnera naapertorlugu itigartissallugit nalunaarfigisinnaavai
- Sumiiffinni arlalinnik sassaalliisarfeqartoqarpat Kommunalbestyrelsimit itigartitsissutigineqarsinnaavoq, assersuutigalugu nutaamik sassaalliisartoqalerpat

akuersissutininik peqartut akornanni unammillernissaasa annertusinissaat taamaalillutillu sakkortuumik sassaalliiniarnerat pisinnaasoq annilaanngatigineqarsinnaammat

Pisuni allani tamakkiisumik naliliinerit tunngavigalugit imigassartornermi naleqquttumik ileqqoqarnissap qulakkeerneqarnissaanut inuiaqatigiinnut sammisumik ataqatigiittoqarnera tunngavigalugu Kommunalbestyrelse aalajangiisassaaq:

- Inuit ataatsimoortarfeqarnerat tunngavigalugu Kommunalbestyrelsimit itigartitsisoqarsinnaavoq, sassaalliiniartut assersuutigalugu timersortarfiit assigisaasalu allat qanittuanni inissisimappata, taakkuummatami inuusuttunit ornigarneqarluartut

### **Ingerlatsivimmit aningaasatigut sulisoqarnikkullu naliliinerit**

Kommuneqarfik Sermersuumut aningaasatigut sulisoqarnikkullu kinguneqarnaviangilaq.

### **Suliffeqarfimmut Kiffartuussivimmit aningaasatigut naliliineq**

Pingaaruteqanngilaq.

### **Inatsisitigut tunngavissaq allakkallu tunngaviusumik uppernarsaatitalit**

- o Inatsisartut Inatsisaat nr. 35, 23. november 2017-imeersoq
- o Imigassaq pillugu Inatsisartut inatsisaata allanngortinneqarnera pillugu Inatsisartut inatsisaat nr. 9, 12. juni 2019-imeersoq
- o Inuit imigassanik aalakoornartulinnik nioqquteqartarfiit sassaallertarfiillu aaqqissuunneqarneri atornerarnerilu pillugit Namminersornerullutik Oqartussat Nalunaarutaat nr 19. ulloq 29. marsi 1990-imeersoq
- o Imigassanik nioqquteqarsinnaanermut akuersissutit pillugit Namminersornerullutik Oqartussat Nalunaarutaat nr. 4 ulloq 29. maj 1992-imeersoq
- o Kommuneqarfik Sermersuumi imigassamik aalakoornartortalinnik nioqquteqartarneq sassaallertarnerlu pillugit Namminersorlulik Oqartussat nalunaarutaat nr. 4, 4. marsi 2011-meersoq
- o Imigassaq pillugu politikki, Kommuneqarfik Sermersooq, oktobari 2020

### **Ilangussat**

1. Tjeklisti
2. Niuerfiup suleriaasia
3. Imigassaq pillugu politikki
4. Kalallit Nunaanni Politiit
5. Meeqqanut Ilaqutariinnullu Ingerlatsivik
6. Meeqqat Atuarfeqarnermullu Ingerlatsivik
7. Sanarfinermut Avatangiisinullu Ingerlatsivik

## **Punkt 6: Nuummi Najukkami Ataatsimiititaliap 2022-mi aningaasanik atugaanik nuutitsineq**

### **Beslutning**

Inassuteqaat akuersissutigineqarpoq.

### **Bilag**

Kommuneqarfik Sermersuumi Najukkami Ataatsimiititaliap aningaasaliissutinik atuinera

Nuummi Najukkami Ataatsimiititaliamit allakkat nuutitsinissamik kissaateqarneq pillugu

Najukkami Ataatsimiititalianut ileqqoreqqusat

## Nuummi Najukkami Ataatsimiititaliap 2022-mi aningaasanik atugaanik nuutitsineq

Aalajangiiffigisassaq

SagsID.: EMN-2022-03420

Suliffeqarfimmik Kiffartuussivik – kommunaldirektøri Ole Jakobsen / OJAK

### Inassuteqaat

Suliffeqarfimmut Kiffartuussivimmit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq:

- Nuummi Najukkami Ataatsimiititaliap 2022-mi aningaasanik atugaanik nuutitsineq akuerineqassasoq

### Suliassamik saqqummiussineq

Oqartussaaqataanerup annertusarneqarnissaa aamma innuttaasut kommunimilu qinikkat oqartussallu akornanni najukkami attuumassuteqartunik apeqqutitut tunngatillugu ammasumik oqaloqatigiittoqarnissaa Najukkami Ataatsimiititaliap siunertarivaa. Aqutsinermut inatsimmi piumasarineqartoq naapertorlugu Kommunalbestyrelsen najukkami ataatsimiititaliat tamarnik ataatsimiinnerini ukiumoortumik aningaasaliissutinik piviusunngortitsinissap isumagineqarnissaanik agguassinissaq akisussaaffigaa. Najukkami Ataatsimiititaliat atuinissaannut inatsimmi ikinnerpaaffiliisoqanngilaq. 2022-mi Nuummi Najukkami Ataatsimiititaliamut 3.020.000 millioner koruunit immikkoortinneqarput. Najukkami Ataatsimiititaliani aningaasat tamanik tusarniaanernut, kultureqarnermut, timersornermut imaluunniit inuiaqatigiit sammisassaqtinnerannut atorneqassapput.

Aningaasaqarnermut Inuussutissarsiornermullu Ataatsimiititamit ulloq 17. marsi 2022-mi Nuummi Najukkami Ataatsimiititaliamut 2002-mut aningaasaliissutit akuerineqarput (Ilanngussaq 1).

Nuummi Najukkami Ataatsimiititaliamit aningaasaliissutit agguataarneqarnerat allangortinneqarnissaat kissaatigineqarpoq, tassani aningaasat Sanaartugaq, Illoqarfik & Qaqqat aamma Illoqarfiup ilaa Eqqumiitsuliornermut & Kulturi - Sammisassaqtitsineq, katillugit 420.000-it pineqarput. Najukkami Ataatsimiititaliap kissaatigisani imatut tunngavilersorpaa:

*Qinnuteqaatit Eqqumiitsuliornermut Kulturimullu tunngasut amerlanerusarput taamaalillunilu immikkoortut allat annikinnerusumik qinnuteqarfigineqartarlutik. Piffissami kingullermi aningaasat arlallit illoqarfiup immikkoortuinut atorneqarput Siulittaasoqarfiullu nassuerutigissavaa taakkua suliniuteqarfigineqartut piffissap ingerlanerani aningaasaliiffigineqangaatsiarnerat, taamaattumillu immikkoortunut allanut nuunneqarsinnaallutik (Ilanngussaq 2).*

Skemani ataniittuni najukkami ataatsimiititaliap aningaasaliissutinik immikkoortukkuutaanut agguataarinera takutinneqarput kiisalu najukkami ataatsimiititaliap nuussinissamik kissaatai.

Nuummi Najukkami Ataatsimiititaliap aningaasaliissutinik atugassavii:

Kategori	Resterende midler:	Oprindelige ramme:	Nuværende forbrug
Anlæg	499.824	630.000	-130.176
By og Fjeld	420.000	420.000	0
Bydele (Nuussuaq)	420.000	420.000	0
Social interaktion / Aalasa / Bevægelse	139.025	450.000	-310.975
Borgerinddragelser og kampagner	70.000	70.000	0

<i>Kunst og Kultur – Aktiviteter</i>	-338.625	690.000	-1.028.625
<i>Kunst og Kultur - Blivende installationer</i>	287.000	340.000	-53.000
I alt:	1.497.224,00 kr.	3.020.000,00 kr.	-1.522.776

Nuummi Najukkami Ataatsimiititaliap aningaasanik atugassanik nuussinissamik kissaataa:

Kategori	Tunngavigineqaqqartut	Aaqqiineq	Tunngavissatut kissaat
Sanaartukkat	630.000	-210.000	420.000
Illoqarfik Qaqqallu	420.000	-210.000	210.000
Illoqarfiup immikkoortortai (Nuussuaq)	420.000	-104.000	316.000
Eqqumiitsuliat Kulturilu - Sammisassaqaqtitsinerit	690.000	+524.000	1.214.000

### Ingerlatsivimmit aningaasatigut sulisoqarnikkullu naliliinerit

Ingerlatsivik oqaaseqaatissaqanngilaq, nuutitsiniarneq missingersuutini tunngavissat iluaniimmat.

### Suliffeqarfimmut Kiffartuussivimmit aningaasatigut naliliineq

Pisariaqanngilaq.

### Inatsisitigut tunngavissaq allakkallu tunngaviumik uppersaatitalit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersumi kapitali 4, § 32.
- Najukkami Ataatsimiititaliamut ileqqoreqqusaq
- Najukkami Ataatsimiititaliap suleriaasissaa

### Ilanngussat

1. Kommuneqarfik Sermersuumi Najukkami Ataatsimiititaliap aningaasaliissutinik atuinera
2. Nuummi Najukkami Ataatsimiititaliamit allakkat nuutitsinissamik kissaateqarneq pillugu

## **Punkt 7: Ivittuuni Aatsitassanik Mineralinillu Katersugaasiviup inissinneqarnera**

### **Beslutning**

Aningaasaqarnermut Inuussutissarsiornermullu Ataatsimiititap periarfissaq 1 (periarfissaappat akikinninngorlugu) missingersuutini isumaqatiginninniarnermi ilanngunneqassasoq akuersissutigaa.

### **Bilag**

Inissisimaffimmik, pilersitsinermik ingerlatsinermillu misissueqqissaarneq

Arsuk pillugu aaqiissutissamut ilassut

## Ivittuuni Aatsitassanik Mineralinillu Katersugaasiviup inissinneqarnera

Aaqqissuussaannikkut sumilu inissisimanissaanut siunnersuut

Aalajangiiffigisassaq

SagsID.: EMN-2022-01386

Suliffeqarfimmut Kiffartuussivik - vicekommunaldirektøri Marie Fleischer/ MAFL

### Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamat inassuteqaatigaa:

- periarfissaq 1, 2 imalunniit 3 aalajangiiffigineqassasoq taannalu missingersuutini isumaqatiginniarnermi ilanngunneqassasoq

### Suliassamik saqqummiussineq

2021-mi Ivittuuni Aatsitassanik Mineralinillu Katersugaasiviup kommunip pigisaatut pigiinnarneqarnissaa Kommunalbestyrelsimit akuersissutigineqarpoq (Aningaasaqarnermut Inuussutissarsiteqarnermullu Ataatsimiititaq 26. maji 2021 imm. 5).

Ivittuuni Aatsitassanik Mineralinillu Katersugaasiviup sumi inissisimanissaa, aaqqissuussaana ingerlatsinermilu aningaasartuutunik misissueqqissaarinermi periarfissat pingasut pillugit misissueqqissaarineq Ingerlatsivimmit nalunaarsorneqarpoq. Ataatsimiititamit sorleq missingersuutunik isumaqatiginninniarnermi ilanngunneqassanersoq isummerfigineqartariaqarpoq.

1. Paamiuni inissinneqarneranut ataasiartumik aningaasartuutit 1.700.000 kr kiisalu ingerlanneqarneranut ukiumut aningaasartuutit 570.000 kr. Ingerlanneqarnissaanut illu B56 tunngavigineqarpoq.
2. Nuummi inissinneqarneranut ataasiartumik aningaasartuutit 1.700.000 kr kiisalu ingerlanneqarneranut ukiumut aningaasartuutit 820.000 kr., aammalu illup attartortinneranut isertitaasartunit annaasat taarsiiviginialugit 204.000 kr. Ingerlanneqarneranut illu B-283 tunngavigineqarpoq.
3. Katersat Nunatta Katersugaasivianut tunniunneqarnerat. Tamatuma kingorna pigisat sivisuumik attartorneqassapput Arsuruk pillugu ingerlatitseqqiineranut atornerarlutik. Ataasiartumik aningaasartuutit 1.800.000 kr. aammalu ukiumoortumik 50.000 kr (aaqqiissutissamat ilassut).

Siuliiniittut toqqarneqannginnerisa malitsigisassaa tassaassaaq, 2022-p ingerlanerani katersugaasiviup atorunnaarsinneqarnissaanik Kommunalbestyrelse aalajangiinissamik saqqummiussiffigineqarumaartoq katersugaatillu Nunatta Katersugaasivianut tunniunneqarumaartut.

Periarfissani pingasuni aamma Ivittuut pillugu ingerlatitseqqiisoqassaaq, nunaqarfiup oqaluttuassartaa pillugu pulaartunit/tikeraanit paasisaqarnissaq periarfissaassalluni.

### Innersuussut

Ingerlatsiviup innersuussutigivaa katersat Nunatta Katersugaasivianut tunniunneqarnissaat pillugu Kommunalbestyrelse aalajangiissasoq. Nalunaarsuinerup kingornatigut Arsuup, Ivittuut (immaqalu Kangilinnguit ilanngullugu) nunataat kulturalilu pillugit ingerlatitseqqiisoqarsinnaavoq aamma ingerlaartinneqartumik saqqummersitsinertalerlugu.

Innersuussineq apersuinerit 20-it amerlanerusut tunngavigalugit pivoq, taanna miisissueqqissaarnermut atatillugu ingerlanneqarpoq aamma Arsummi nunaqarfimmi aqutsisut, misissueqqissaarnermut tunngaviusut, tusarniarneqarnerannit.

Misissueqqissaarinerup inernerit pingaarnerit aningaasaqarnikkullu missiliuusiorderit skimmami ataani takuneqarsinnaapput. Takuuk ilanngussaqq innersuunneqartunut annerusumik nassuiaataasoq.

	Iluaqutissat	Ajoqutissat	Aningaasatigut missiliuisionerit
<b>Ivittuuni ingerlatitseqqineq (periarfissat tamarmik)</b>	Sumiiffimmi kulturimik aamma pinngortitap oqaluttuassartaanik takuniaasunut paasissutissiineq.		Pilersitsinermi ataasiartumik aningaasartuutit <b>200.000-400.000 kr</b>  Ingerlatsinermi ukiumut aningaasartuuteqarner uneq: <b>40.000-60.000 kr.</b>
<b>IMM Paamiuni</b>	1. Paamiuni innuttaasunit takornarianillu takornariagassat amerlanerusut. 2. Siunertamut illu tulluartoq pigineqareerpoq. 3. Illu kommunimit pigineqarpoq aningaasartuuteqarnerunissaq annertunngilaq.	1. Ilutsimi tassani pulaartut/takornariat ikinnerusut. 2. Paamiunit apersorneqartut arlallit oqaatigaat Paamiut Ivittuunut/Kangilinnguanut killilimmik attuumassuteqartoqartoq. 3. Angalatitsisartut ullumikkut takornarianik angallassisarnerat eqqarsaatigalugu inissisimaffia kajuminnangilaq. Umiarsuit takornariartaatit amerlaqisut ass. Ivittuut aqqusaartarpaat pinngortitaq pissutigalugu, taakkulu Nuup Ivittuullu akornanni uningaarnissamut piffissaqarneq ajorput.	Pilersitsinermi ataasiartumik aningaasartuutit <b>1.500.000 kr.</b>  Ingerlatsinermi ukiumut aningaasartuuteqarner uneq: <b>530.000 kr.</b>
<b>IAMK Nuummi</b>	1. Saqqummersitsineq innuttaasunit takornarianillu amerlanerit tikinneqarsinnaavoq 2. Kulturikkut oqaluttuarisaanermilu Nuuk aamma Ivittuut akornanni attuumassuteqarneq annerusoq 3. Najukkamut qanittumi ilinniarsimasut (ilinniakkanik isumasiueqatigiinneq, oqalugiarnert, atuartunik ilinniartitsineq) ingerlatitseqqiilluni saqqummersitsinermi suleqatigineqarsinnaasut 4. Nuup Saava katersugaasiveqarfittut ineriartortitseqataaffigisinnaavaa	1. Apersorneqartuni ataasiakkaat eqqaanikuuaat, innuttaasut ilaannit Nuummi katersugaasivinnik neqeroorutit eqiterunneqaqqissappata ajornartorsiutaasinnaasoq, kommunip illoqarfiinut allanut siammasinnerusumik inissinnissaanninngarnit. 2. Sinerissap isorartunera eqqarsaatigalugu Nuuk Ivittuunit ungasinneruvoq.	Pilersitsinermi ataasiartumik aningaasartuutit <b>1.500.000 kr.</b>  Ingerlatsinermi ukiumut aningaasartuuteqarner uneq: <b>984.000 kr.</b>
<b>Ivittuuni Aatsitassanik Mineralinillu katersugaasivik Arsummi</b>	1. Aaqqiissut akikinnerpaaq, Ivittuuni Aatsitassanik Mineralinillu Katersugaasiviup atorunnaarsinneqannginnissaanik kommunip aalajangerneranik ataqqinnittoq. 2. Arsummi, Ivittuunut qaninnerpaasumi, ingerlatitseqiisoq.	1. Annikitsuinnarmik takornariaqarnermut piukkunnaateqarpoq. Takornarianulli takkuttunut pitsaanerusumik misigisaqartitsisinnaavoq.	Pilersitsinermi ataasiartumik aningaasartuutit: <b>1.800.000 kr.</b>  Ingerlatsinermi ukiumut aningaasartuuteqarner uneq: <b>50.000 kr</b>

### Tunuliaqutaasoq

IAMK aatsitassarsiorfimmi Ivittuuni 2013-imi qimanneqartumi matusimasumilu inissisimavoq. IAMK ujarassiorneq (geologi) Kalaallit Nunaata Kitaani ujaqqanik aatsitassanillu piaanerp kulturikkut

oqaluttuassartaanik ingerlatsitseqqiineruvoq. Saqqummersitap imartussusia 150 km<sup>2</sup>. Ukiumut inunnit 800-1.200 takusarneqartarpoq. IAMK Nuummi containerini 5-ini 2014-imiilli toqqortaatigineqarpoq.

### Tusarniaaneq

Misissueqqissaarneq (ilanngussaq 1) Arsummi nunaqarfimmi aqutsisunut aammalu Paamiuni najukkami ataatsimiititaliamut tusarniaassutigineqareerpoq.

Paamiuni najukkami ataatsimiititaliap kissaatigaa Ivittuuni Aatsitassanik Mineralinillu Katersugaasiviup Paamiunut inissineqarnissaa. Arsummi inissineqarnissaanut siunnersuut (ilanngussaq 2) tusarniaarnerup taassuma inernerivaa.

### **Ingerlatsivimmit aningaasatigut sulisoqarnikkullu naliliinerit**

Taamaattumik suliaq immini aningaasaqarnikkut kinguneqassanngilaq. Periarfissaq toqqarneqarsimasoq taanna missingersuutiniq isumaqatigiinniarnemi 2023 tungaanut tulleriarinermi ilaatinneqarpoq.

### **Suliffeqarfimmut Kiffartuussivimmit aningaasatigut naliliineq**

Oqaaseqaateqartoqanngilaq.

### **Inatsisitigut tunngavissaq allakkallu tunngaviusumik uppersaatitalit**

- Katersugaasiveqarneq pillugu Inatsisartut inatsisaat nr. 8, 3. juni 2015-imeersoq
- Kommuneqarfik Sermersuup kulturi pillugu politikkaa
- Nuuk pillugu Illoqarfiit pingaarnersaat pillugu Periusissiaq
- Kommuneqarfik Sermersuumi 2022-mi missingersuutit

### **Ilanngussat**

1. Ivittuut Aatsitassanik Mineralinillu Katersugaasivik - Inissisimaffimmik, pilersitsinermik ingerlatsinermillu misissueqqissaarneq
2. Ivittuuni Aatsitassanik Mineralinillu Katersugaasivik - Arsuk pillugu aaqqiissutissamut ilassut

## **Punkt 8: Suliffeqarnermut Isumaginninnermullu Ataatsimiititap angalanerani nalunaarussiaq**

### **Beslutning**

Inassuteqaat akuersissutigineqarpoq.

### **Bilag**

Angalaneq pillugu nalunaarussiaq

Pilersaarut

## **Suliffeqarnermut Isumaginninnermullu Ataatsimiititap angalaneranit nalunaarussiaq**

Nuuk, juuni 2022

Aalajangiiffigisassaq

SagsID: EMN-2022-06227

Suliffeqarfimmud Kiffartuussivik – kommunaldirektøri Ole Jakobsen / OJAK

### **Inassuteqaat**

Suliffeqarnermut Isumaginninnermullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- angalanermit nalunaarussiaq akuersissutigineqassasoq

### **Suliassamik saqqummiussineq**

Suliffeqarnermut Isumaginninnermullu Ataatsimiititaq ulluni 15. aamma 16. juuni 2022 Nuummut angalavoq. Angalanermit siunertaavoq kommunimit ingerlanneqartumik sammisassaqartitsivittut aamma attaveqatigiittarfittut neqeroorutaanut kiisalu kommunip najugaqarfiinut marlunnut inunnut innarluutilinnut suliassaqarfimmiittunut pulaarnissaq; Kammagiit, Pakkutaq aamma Seernaq. Pulaarnermut siunertaavoq innuttaasut tarnikkut imaluunniit timimikkut innarluutillit qanoq najugaqarnermut pillugu takuniaaneq kiisalu ulluinaat qanoq ingerlasarnermut aamma aqutsisut pillugit saqqummiussivigineqarneq.

Ataatsimiititap angalaneranut siunertaq alla tassaasimavoq, inunnut innarluutilinnut aamma tarnikkut nappaatilinnut suliassaqarfiup ilisimasaqarfigilernissaa, tassani inuit innarluutillit pillugit suliassaqarfik, innuttaasut assigiinngitsut qanoq ittut sullinneqarnermut kiisalu siunissami unammilligassat qitiutinneqarlutik.

Ataatsimiititap angalaneranut siunertaq kingulleq tassaasimavoq Suliffeqarnermut Isumaginninnermullu Ingerlatsivimmi Oqartussaaffeqarnermik ataatsimeeqateqarnissaq, tassani ullormut oqaluserisassat ilaatigut imarisimavaat utoqqarnut periusissat, angerlarsimaffeqannginneq aamma one door-imik tunngavimmik suliaqarneq.

Suliffeqarnermut Isumaginninnermullu Ataatsimiititamit peqataapput Inge Olsvig Brandt (siulittaasoq), Lone Rosengreen Pedersen (siulittaasup tullia), Poul Petersen (ilaasorta). Suliffeqarnermut Isumaginninnermullu Ingerlatsivimmit peqataapput Ejner Grønvold (ingerlatsiviup pisortaa), Mathias Knude Brusgaard (innarluutilinnut tarnikkullu nappaatilinnut immikkoortortaqarfimmi fagcheffi) aamma Cecilie Victoria Schierbeck (oqartussaaffeqarfimmi fagcheffi). Aammattaaq Julia Lynge Ezekiassen (ataatsimiititami allatsi) Pisortaqatigiit Allatseqarfianit peqataavoq.

Suliffeqarnermut Isumaginninnermullu Ataatsimiititap angalanerminnit ilikkakkatik ilisimalikkatillu ataatsimiititami suleriaqqinnerminni atussavaat.

### **Ingerlatsivimmit aningaasatigut sulisoqarnikkullu naliliinerit**

2022-mi ataatsimiititap angalanissaanut 350.000 koruunit immikkoortinneqarsimapput.

### **Suliffeqarfimmud Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatillit**

- o Ataatsimiititap suleriaasia

**Siusinnerusukkut aalajangiinerit**

*Suliffeqarnermut Isumaginninnermullu Ataatsimiititaq, 16.08.22:*  
Inassuteqaat akuersissutigineqarpoq.

**Ilangussat**

1. Angalaneq pillugu nalunaarussiaq
2. Pilersaarut

## **Punkt 9: Folketingimut 2022-mi qinersisoqarsinnaaneranut qinersinermut siulersuisunik pilersitsinissaq**

### **Beslutning**

Aningaasaqarnermut Inuusutissarsiornermullu Ataatsimiititami Folketingimut qinersinermik siulersuisunut aallartitatut taaneqarput: Uju Petersen (IA), Inga Dora G. Markussen (S) aamma Borgmester Avaaraq S. Olsen (AI) qinersinermik siulersuisunut toqqaannartumik ilaasortatut inissilluni.

## Folketingimut 2022-mi qinersisoqarsinnaaneranut qinersinermut siulersuisunik pilersitsinissaq

Aalajangiiffigisassaq

SagsID.: EMN-2022-07521

Suliffeqarfimmut Kiffartuussivik - kommunaldirektøri Ole Jakobsen / OJAK

### Inassuteqaat

Suliffeqarfimmut Kiffartuussivimmit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq:

- ataatsimiititaq qinersinermi siulersuisunik toqqaassasoq
- suliaq akuersissutigisassanngorlugu Kommunalbestyrelsimut ingerlateqqinneqassasoq

### Suliassamik saqqummiineq

Inatsit tunngaviusut naapertorlugit Folketingimut qinersisoqartassaaq minnerpaamik ukiut sisamat qaangiukkaangata. Ukiulli sisamat qaangiutinngikkaluartut statsministeri sukkulluunniit qinersisussanngortitsisinnaavoq. Folketingimut qinersineq kingulleq pivoq u 5 juni 2019, taamaasilluni folketingimut qinersineq tulleg ingerlanneqassaaq kingusinnerpaamik ulloq 4 juni 2023. Danskít politikkikkut ingerlatsinerata maanna pisup ilimanarsisippaa qinersinissaq siusinnerujussuarmik piimaartoq.

Folketingimut qinersinermi toqqaannartumik inatsimmi folketingimut qanoq akulikitsigisumik qinersisoqartarnissaanik maleruagassanik imaqaqqangilaq. Inatsimmili folketingimut qinersisoqassatillugu ullunik 21-nik sivikinnerunngitsumik qinersisussanngortitsinissamut killiliussaqqarpoq. Taamaasilluni Kalaallit Nunaanni folketingimut qinersinermi aallaaviatigut ilimagineqassaaq sapaatip-akunnerisa 3 iluanni pilersaarusiornissaq.

Folketingimut qinersisoqarnissaanut piareersimajumalluni Suliffeqarfimmut Kiffartuussiviup Kommunalbestyrelsimut inassuteqaatigaa piffissaagallartillugu qinersinermut siulersuisussanik pilersitseqqullugu. Kalaallit Nunaanni folketingimut qinersinermi inatsimmi § 10 naapertorlugu. Qinersinermut siulersuisut tassaassapput Kommunalbestyrelsimi siulittaasoq aamma minnerpaamik kommunalbestyrelsimut ilaasortat allat marluk, Kommunalbestyrelsimut toqqakkat, § 10, stk 2 naapertorlugu.

Suliffeqarfimmut Kiffartuussivimmit inassuteqaatigineqarpoq qinersinermut siulersuisussatut toqqaarneqartut qaammatini pingasuni atuuffeqarnissaat, ulloq toqqaarneqarfiat aallaaviulluni. Folketingimut qinersisussanngortitsineq qaangiuppat Suliffeqarfimmut kiffartuussivimmit inassuteqaatigineqarpoq, Aningaasaqarnermut Inuussutissarsiuinullu Ataatsimiititamit, qinersinermut siulersuisussat nutaamik toqqaarneqarnissaat.

### Ingerlatsivimmit aningaasatigut sulisoqarnikkullu naliliinerit

Pisariaqaqqangilaq.

### Suliffeqarfimmut Kiffartuussivimmit aningaasatigut naliliineq

Pisariaqaqqangilaq.

### Inatsisitigut tunngavissaq allakkallu tunngaviumik uppersaatitalit

- Kalaallit Nunaanni folketingimut qinersinermi Inatsit (Lovbekendtgørelse nr 2241 af 25/11/2021)
- Folketingimut qinersinermi inatsit (Lovbekendtgørelse nr 294 af 07/03/2022)
- Inatsit tunngaviusut § 32

### Ilanngussat

Ilanngussaqañngilaq.

## **Punkt 10: Kukkunersiuinissamut neqerooruteqartitsineq**

### **Beslutning**

Aningaasaqarnermut Inuussutissarsiornermullu Ataatsimiititap periarfissaq 3 akuersissutigaa.



## Kukkunersiuinissamut neqerooruteqartitsineq

Aalajangiiffigisassaq

SagsID.: EMN-2022-07605

Suliffeqarfimmut Kiffartuussivik - kommunaldirektøri Ole Jakobsen / OJAK

### Inassuteqaat

Suliffeqarfimmut Kiffartuussivimmit Aningaasaqarnermut Inuussutissarsionermullu

Ataatsimiititamut inassuteqaatigineqarpoq:

- periarfissaq 1, periarfissaq 2 imaluunniit periarfissaq 3 aalajangiiffigineqassasoq
- suliaq Kommunalbestyrelsimut ilisimatitsissutigineqartussatut ingerlateqqinneqassasoq

### Suliassamik saqqummiussineq

Kommuneqarfik Sermersuumi piginnaatitsinermut pilersaarut naapertorlugu ukiuni missingersuusiorfiusunut arlalinnut isumaqatigiissusionerit Aningaasaqarnermut Inuussutissarsionermullu Ataatsimiititami aalajangiiffigineqartassapput.

2014-imi Deloitte kommunip ukiumoortumik naatsorsuutaasa kukkunersioartarnissai akisussaaffigilerpai. Siullermik ukiumoortumik naatsorsuutit piffissamut 2014 – 2018-imut isumaqatigiissutaapput. 2019-imi isumaqatigiissut sivitsorneqarpoq aamma ukiunut 2019 – 2022-mut tunngasuussasoq, periarfissaralugu ukiunut 2023-mut aamma 2024-mut sivitsorneqarnissaa. Taamaattumik ukioq 2023-mut ukiunullu tulliuuttunut kukkunersiuisoqarnissamut tunngasoq aaqiissuteqarfiginarneqarpoq.

Ulloq 1. juuli 2019 Inatsisartut nioqqutissanik pisiniartarnermut aammalu pisortat oqartussaqaarfiisa suliffeqarfiisalu sullinneqarnerinut atatillugu neqerooruteqartitsisarneq pillugu inatsit nr. 6, 12. juuni 2019-imeersoq atuutilersinneqarpoq (neqerooruteqartitsisarneq pillugu inatsit). Imaappoq kukkunersiuinissamik suliassaq tamanut neqerooruteqartitsissutaasariaqanngilaq.

Kukkunersiuisoqarnermut isumaqatigiissutip nutarternissaanut atatillugu siunnersuutigineqarpoq, suliffeqarfik Kalaallit Nunaanni allaffeqarfilik toqqarneqassasoq. Suliffeqarfimmut Kiffartuussiviup ilisimatinneqarnera malillugu, suliffeqarfiit marluk Kalaallit Nunaanniittut ullumikkut kommunit ukiumoortumik naatsorsuutaannik kukkunersiuisuusarput. Siulleq tassaavoq Deloitte aappaalu BDO. Kukkunersiuisarfik Ernst & Young aamma Kalaallit Nunaanni allaffeqarfeqarpoq, qallunaat nunaanni kommunit kukkunersiuisoqarfialugu, taakkua saniatigut Grønlands Revisionskontor atuuppoq.

2023-mut ukiunullu tulliuuttunut sisamanut ukiumoortumik naatsorsuutit kukkunersioarneqarnissaanut periarfissat pingasut siunnersuutigineqarput:

- 1) Kommunip Deloitte isumaqatigiinniarfigissavaa, kingornagullu isumaqatigiissut sivitsorneqarluni.
- 2) Kommunip Deloitte aamma BDO isumaqatigiinniarfigissavai, kingornagullu suliffeqarfik akitigut pitsaassutsitigullu pitsaanerpaaq isumaqatigiissuteqarfialugu.
- 3) Kommunip ukiumoortumik naatsorsuutit kukkunersioarneqarnissaat tamanut neqerooruteqartitsissutigissavaa.



### **Ingerlatsivimmit aningaasatigut sulisoqarnikkullu naliliinerit**

Maannakkut Deloittemik isumaqatigiisummi, 2019-imi kommunip ukiumoortumik naatsorsuutaasa kukkunersiorneqarnerinut Kommune 1,2 mio. kr.-nik akiliuteqarpoq. Aningaasat taakkua ukiumut akitigut 2%-mik iluarsissuteqarfigineqartarput. Imaappoq, Kommune 2022-mi 1,27 mio. kr.-nik akiliuteqassaaq. Tassunga atatillugu ukiut ingerlanerini Deloittemut tapiliussatut sullissinerit pisiarineqartarput.

Akigititat inuiaqatigiinni tamani qaffakkiartornerat pissutigalugu kukkunersiuisitsinerup akitsornissaa naatsorsuutigineqarpoq.

### **Suliffeqarfimmut Kiffartuussivimmit aningaasatigut naliliineq**

Suliffeqarfimmut Kiffartuussivik oqaaseqaateqanngilaq.

### **Inatsisitigut tunngavissaq allakkallu tunngaviumik uppersaatitallit**

- Pisortat oqartussaaffigisaanni suliffeqarfiinilu nioqqutissanik kiffartuussinernillu pisiniarnermut tunngatillugu neqerooruteqartitsisarneq pillugu Inatsisartut inatsisaat nr. 6, 12. juni 2019-imeersoq

### **Ilanngussat**

1. Deloittemut isumaqatigiissut atuuttoq.

## **Punkt 11: Siulersuisunut ilaasortanik sinniisunillu nutaanik taasineq**

### **Beslutning**

Aningaasaqarnermut Inuussutissarsiornermullu Ataatsimiititap toqqaanera:

Utoqqaat Illuanni siulersuisunut ilaasortatut toqqarneqarpoq Mia skifte Lynge (IA )

Mælkebøttecenterimi siulersuisunut ilaasortatut toqqarneqarpoq Avaaraq S. Olsen (IA)

Ippiarsummi siulersuisunut sinniisussatut toqqarneqarpoq Mia skifte Lynge (IA )

Kommuneqarfik Sermersuup Angalanissamut aningaasaateqarfiani siulersuisunut sinniisussatut toqqarneqarpoq Lone Rosengreen Pedersen (IA)

## **Siulersuisunut ilaasortanik sinniisunillu nutaanik taasineq**

Aalajangiiffigisassaq

SagsID.: EMN-2022-07734

Suliffeqarfimmut Kiffartuussivik - kommunaldirektøri Ole Jakobsen/ OJAK

### **Inassuteqaat**

Suliffeqarfimmut Kiffartuussivimmit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq:

- Utoqqaat Illuanni siulersuisunut ilaasortamik nutaamik toqqaasoqassasoq
- Mælkebøttecenterimi siulersuisunut ilaasortamik taaseqataasinnaanngitsumik toqqaasoqassasoq
- Ippiarsummi siulersuisunut sinniisumik toqqaasoqassasoq
- Kommuneqarfik Sermersuup Angalanissamut aningaasaateqarfiani siulersuisunut sinniisumik toqqaasoqassasoq
- suliaq aalajangiiffigisassanngorlugu Kommunalbestyrelsimut ingerlateqqinneqassasoq

### **Suliassamik saqqummiussineq**

Kommunalbestyrelsip 3. maaji 2021 inassitsiterluni ataatsimiinneranut atatillugu

aningaasaateqarfanni siulersuisoqarfinnilu siulersuisuni ilaasortanik sinniisussanillu nutaanik

Kommunalbestyrelse qinersivoq.

Charlotte Ludvigsenip (IA) Borgmesteritut tunuarniuteqarneranut, tamatumalu kingorna Avaaraq S. Olsenip (IA) Kommuneqarfik Sermersuumi Borgmesteritut nutaatut toqqaarneqarneranut atatillugu, Avaaraq S. Olsen siulersuisuni ilaasortaaffimminut tunuarpoq.

Taamaattumik Kommunalbestyrelse Utoqqaat Illuanni siulersuisunut ilaasortamik nutaamik, kiisalu Mælkebøttecenterimi siulersuisunut ilaasortamik taaseqataasinnaanngitsumik toqqaassaaq. Matumanittaaq Kommunalbestyrelse Ippiarsummi Inge Olsvig Brandtimut (IA) siulersuisuni sinniisussamik, kiisalu Kommuneqarfik Sermersuup Angalanissamut aningaasaateqarfiani Naya Sophia Pedersen Lyberthimut (IA) siulersuisuni sinniisussamik toqqaassaaq.

Ilaasortat kommunalbestyrelsimut toqqaarneqareerpata, siulersuisut assigiinngitsut Kommunalbestyrelsip aalajangiussaani ilisimatinneqassapput.

### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaataatillit**

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersumi § 31 imm. 1
- Aningaasaateqarfinnut suliffeqarfinnullu assigiinngitsunut ileqqoreqqusat aalajangersakkallu.

### **Ilanngussat**

Soqanngilaq.

## **Punkt 12: Ukiumoortumik naatsorsuutit 2021 – naatsorsuutit inaarneqarneri kukkumersiuusut oqaaseqaataannik imallit akuersissutigineqarnerat**

### **Beslutning**

Inassuteqaat akuersissutigineqarpoq.

### **Bilag**

Ukiumoortumik Nalunaarusiaq 2021

Ilanngussaq 1 - Ingerlatsinermit naatsorsuutitut oqaaseqaatit

Ilanngussaq 2 - Sanaartornermit naatsorsuutitut oqaaseqaatit

Kukkumersiuusut nalunaarutaat 2021

Oqaaseqaat - Kukkumersiuusut oqaaseqaataasa akissuteqarfiginerat



## **Ukiumoortumik naatsorsuutit 2021 – naatsorsuutit inaarneqarneri kukkunersuiusut oqaaseqaataannik imallit akuersissutigineqarnerat**

Aalajangiiffigisassaq

SagsID: EMN-2022-07462

Suliffeqarfimmumt Kiffartuussivik - vicekommunaldirektøri Marie Fleischer / MAFL

### **Inassuteqaat**

Suliffeqarfimmumt Kiffartuussivimmit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq:

- 2021-mi ukiumoortumik naatsorsuutit (ilanngussat 1-3) inaarutaasumik akuersissutigineqassasut
- kukkunersuiusut nalunaarutaat 2021 tusaatissatut tiguneqassasoq (ilanngussaq 4)
- kukkunersuiusut nalunaarutaannut akissutitut nassuiaat tusaatissatut tiguneqassasoq (ilanngussaq 5)
- suliaq Kommunalbestyrelsimut inaarutaasumik akuersissutigisassanngorlugu ingerlateqqinneqassasoq

### **Suliassamik saqqummiussineq**

Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq naapertorlugu Aningaasaqarnermut Inuussutissarsiornermullu Ataatsimiititaq naatsorsuutiniq Kommunalbestyrelsimut saqqummiussisassaaq, tassanngaanniillu ukiumoortumik naatsorsuutit kukkunersuiusunut ingerlateqqinneqassapput. Tamanna Aningaasaqarnermut Inuussutissarsiornermullu Ataatsimiititami apriliip 28-anni 2022-mi aamma Kommunalbestyrelsimi maajip 31-anni 2022-mi ataatsimiinnermi pivoq.

Tamatumalu kingorna Deloitte kommunimut kukkunersuiusutut inissisimasuusoq, ukiumut naatsorsuutiniq kukkunersuiuinermik suliaqarpoq, oqaaseqaatinillu aamma inerniliussanik saqqummiilluni.

Kukkunersuiusut oqaaseqaataat inerniliinerallu kukkunersuiusut oqaaseqaataanni (ilanngussaq 4) 22. septembari 2022-mik ullulernerqarsimasutut ilanngussami takunerqarsinnaapput.

Tamatuma kingorna Aningaasaqarnermut Inuussutissarsiornermullu Ataatsimiititap kommunip inaarutaasumik naatsorsuutai kukkunersuiusut nalunaarutitaannik ilallit akissutitullu nassuiaatitallit Kommunalbestyrelsimut inaarutaasumik akuersissuteqartussamut saqqummiutissavai.

Tamatuma kingorna Naalakkersuisunut pisortatigoortumik nassiuqqassapput, inaarutaasumillu akuersissutigineqarnerinit kingusinnerpaamik ullut 14-it qaangiuppata kommunip nittartagaatigut tamanut saqqummiunneqassapput.

### **Ingerlatsivimmit aningaasatigut sulisoqarnikkullu naliliinerit**

2021-mut naatsorsuutini takunerqarsinnaavoq, katillugit 70,4 mio. kr.-nik sinneqartoorteqartoqartoq.

Kommunip aningaasaatai aamma karsimiittuutai 2021-p naanerani 2.077,6 mio. kr.-upput taavalu - 28,7 mio. kr-it (amigartoorfiullutik).

Aamma ukiumut naatsorsuutiniq kiisalu kukkunersuiusut oqaaseqaataannut suliami ilanngunneqartunut innersuussuteqartoqarpoq makkuusut:

1. Ukiumoortumik Nalunaarusiaq 2021
2. Ukiumut nalunaarusiamut ilanngussaq 1 – ingerlatsinerimut naatsorsuutiniq oqaaseqaatit



3. Ukiunut nalunaarusiamut ilanngussaq 2 - sanaartornermut naatsorsuutitut oqaaseqaatit
4. Kukkunersiuusut nalunaarutaat 2021
5. Oqaaseqaat - Kukkunersiuusut oqaaseqaataasa akissuteqarfiginerat

Kukkunersiuusut kommunip ukiut siuliini naatsorsuusiaasianut tunngasut pillugit oqaaseqaatini sulii attappaat, taamaattorli 2021-mi naatsorsuutit nutaanik oqaaseqaasiornissamut pissutissiisimangillat.

Kukkunersiuineq taamaalillugu 2021-mi naatsorsuutit immikkut isiginagit kukkunersiorneqarnerat oqaatigineqarpoq, tamannalu kukkunersiuusumit imatut nalilernerqarpoq, (issuaaneq):

*"Isumaqarpugut, ukiunut naatsorsuutit pingaarutilinni tamani eqqortumik isikkoqartut, ima paasillugu Kommunit Namminersorlutillu Oqartussat missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-imeersoq (Missingersuutit pillugit inatsit) naapertorlugu suliaasut."*

Kukkunersiuinermi oqaaseqaatit kukkunersiuinermi nalunaarusiami 2.3-mi allaqqapput.

Kukkunersiuusut kukkunersiuusup oqaaseqaataanni ukiuni siusinnerusuneersut nanginneraat.

Ukiuni siusinnerusukkut oqaaseqaatigineqartut pingasut 2021-mi matuneqarput, taakku allaffeqarfimmit iluarsineqarsimammata, taamaalillunilu kukkunersiuusooq oqaaseqaatissaarulluni. Ukiut siuliini oqaaseqaatini qulit 2022-mut ingerlateqqinneqarput, kukkunersiuusut nalilermassuk 2021-p naanerani taakku iluarsivigineqarsimangitsut.

Allaffeqarfiup oqaaseqaatai akissutitut nassuiaammi (ilanngussaq 5) atuarneqarsinnaapput.

### **Suliffeqarfimmut Kiffartuussivimmit aningaasatigut naliliineq**

Suliffeqarfimmut Kiffartuussivimmit nalilernerqarpoq naatsorsuutit kukkunersiuusunit nalunaarusiartallit tamaat isigalugu eqqortuusut.

Taamaammat inassuteqaat akuersissutigineqassasoq innersuussutigineqarpoq.

### **Inatsisitigut tunngavissaq allakkallu tunngaviusumik uppernarsaatillit**

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Kommunit Namminersorlutik Oqartussallu missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-imeersoq
- Kommunit missingersuusiortarnerat, aningaasanik tigorianaateqarnerat, naatsorsuutaat kukkunersiuusooqarnerallu pillugit Namminersorlutik Oqartussat nalunaarutaat nr. 3, 3. februar 2012-imeersoq
- Kommunip Aqutsinermi Ileqqoreqqusai
- Kommunip piginnaatitaanermut pilersaarutaa

### **Ilanngussat**

1. Ukiumoortumik Nalunaarusiaq 2021
2. Ilanngussaq 1 - Ingerlatsinermut naatsorsuutitut oqaaseqaatit
3. Ilanngussaq 2 - Sanaartornermut naatsorsuutitut oqaaseqaatit
4. Kukkunersiuusut nalunaarutaat 2021
5. Oqaaseqaat - Kukkunersiuusut oqaaseqaataasa akissuteqarfiginerat

## **Punkt 13: 2023-mut missingersuutit siullermeerneqarneri**

### **Beslutning**

Akigitat akigitassatullu siunnersuutit 2023-mut missingersuutit aappasaaneernejarnissaanut kinguartinneqarlutik inassuteqaatit sinneri amerlanerussuteqartunit (IA, N & D) akuersissutigineqarput.

Inassuteqaat Siumumit itigartissutigineqarpoq.

### **Bilag**

Imarisaa

2023-mut missingersuutitut missingersuusiornissamut malittarisassat

2023-mut tunngaviusumik missingersuutit pillugit saqqummiineq

Budgetmodel 2023

Pisariaqartumik missingersuutissatut siunnersuut

Sanaartugassanut missingersuutit 2023-2031

Maanna sanaartornermut pilersaarutit nassuiarneri

Sanaartorneq pillugu missingersuutissatut siunnersuut

2023-mut missingersuutissatut siunnersuutit – ingerlatsivinnut agguataarlutit

Ingerlatsineq pillugu missingersuutissatut siunnersuut

Ingerlatsinermut suliassat siunertaasa allaaserineri

Akigitat allattorsimaffiat 2022

2023-mut akigitassatut siunnersuut



## 2023-mut missingersuutit siullermeerneqarneri

Aalajangiiffigisassaq

SagsID.: EMN-2022-07466

Suliffeqarfimmut Kiffartuussivik - kommunaldirektøri Ole Jakobsen / OJAK

### Inassuteqaat

Suliffeqarfimmut Kiffartuussivimmiit Aningaasaqarnermut Inuussutissarsiornermullu

Ataatsimiititamat inassuteqaatigineqarpoq:

- missingersuutit saqqummiunneqartut pisariaqartunik missingersuutissatut siunnersuutit 90 mio. kr.-inik imaqartut, tassaapput nalinginnaasumik ingerlatsinermut angusat 463 mio. kr.-it, sanaartugassanut aningaasaliissutit 470 mio. kr.-it, aamma aningaasat tigorianaanaat 145 mio. kr.-inut amerlinerat, kiisalu 2023-p naalernerani karsimiittuutit 190 mio. kr.-inik sinneqartooruteqarnissaq akuersissutigineqassasut
- politikikkut pingaarnersiuiinermi aningaasat atorsinnaasat 83 mio. kr.-it akuersissutigineqassasut
- akileraarutip procentia 26% akuersissutigineqassasoq
- missingersuutit siunnersuutit ingerlatsinermut sanaartugassanullu kissaatit imallit (suliassat PINNGITSOORNEQARSINNAASUT) akuersissutigineqassasut
- akigitit akigititassatullu siunnersuutit akuersissutigineqassasut
- 2023-mi akigititanik aamma akissarsianik allanngortiterisoqassanngitsoq akuersissutigineqassasoq
- missingersuutit oqaluserineqartut, naleqqussaanerit ilanngullugit, siullermeerneqarnissaannut Kommunalbestyrelsimut inassuteqaatigineqassasut akuersissutigineqassasoq

### Suliassamik saqqummiussineq

Allaffeqarfik Aningaasaqarnermut Inuussutissarsiornermullu Ataatsimiititamat missingersuutit suliarineqarnermini arlalinnik allaaserisaqarpoq, suliassamik saqqummiussami matumani ilanngussatut ilanngunneqartunik, taakkua ataatsimoorlutik 2023-mut missingersuutit mappimik taaguuserneqarpoq.

Allaaserisat ataatsimoorlutik tassaapput 2023-mut missingersuutit allaffissornermi ukiumut missingersuutit aamma 2024-2026-mut ukiut missingersuusiortusut. Missingersuutit siunnersuummi 2023-mut tunngaviumik missingersuutit missingersuutit siunnersuutillu pisariallit ataatsimut suliarineqarnissaat anguniarneqarpoq.

Ukiq manna missingersuusiornissap tungaanut assigiinngitsorpaalunnik pisoqarpoq kommunip aningaasaqarneranut aamma tigorianaanaanaat kiisaalu kommunip missingersuusiornissaanut sunnuteqartunik. Missingersuusiornermi oqimaaqatigiissitsinissaq suli pingaartinneqarpoq nutaamilli aningaasaliinissamik periarfissaqarmat aamma isertitassat aningaasartuutissallu naatsorsorumarnerummata ukioq manna periarfissat nutaat eqqarsaatigalugit pingaarnersiuiinissamat politikikkut aningaasanik atorsinnaasaqalerpoq.

Tassungalu ilanngullugu Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaata allanngortinneqarnissaa pillugu *Inatsisartut*



*inatsisaat nr. 13, 1. december 2021-mersooq 2023-miit atuutilissaaq.* Matumani kommune pisussaaffilerneqarpoq, tassa ukiut sisamat ingerlaneranni kommunit ataasiakkaat ukiumoortumik missingersuutaat aamma Namminersorlutik Oqartussat aningaasanut missingersuutaat oqimaaqatigiissinneqassasut imaluunniit sinneqartoorfiussasut. Ukiut sisamat ingerlaneranni ukiuni ataasiakkaani amigartooruteqartoqarsinnaavoq sinneqartooruteqarluniluunniit, taamaattorli ukiut sisamat ingerlaneranni oqimaaqatigiissinneqassapput imaluunniit sinneqartooruteqarfiussapput. Tamatuma saniatigut allassimavoq ingerlatsinermut, tapiissutinut sanaartornermullu aningaasaliissutit tamarmiusut ukiumi ataatsimi annerpaamik 1,00 procentimik qaffariaateqassasut aamma ukiut sisamat ingerlanerini ataatsimut qaffariaataat annerpaamik 2,00 procentiussasut.

Aningaasaqarnermut Naligiissitaanermullu Naalakkersuisup aalajangerpaa Kommuneqarfik Sermersuumi 2023-mut qaffariaataasinnaasoq annerpaamik 2,06%-usoq piffissamilu 2023-2026-mi 3,06%-ulluni.

Inatsit piviusorsiorlumik isumaqarpoq, 2023-mut missingersuutini (missingersuutissatut siunnersuut aamma ilassutitut aningaasaliissutit) 2,06%-t qaangerlugit annertunerusumik aningaasaliissuteqartoqarnissaanik kissaatit nammineq missingersuuteqarfinit matussusiissutissatut sipaaruteqarfissanik siunnersuutinik ilalerneqartassasut.

Taamaattorli immikkut ittumik pisoqarpoq, tassa kommune Siorarsiorfik – Nuuk City Development A/S-imit pigisanik 600 mio. kr. miss. pisissaaq kiisalu Nuummi atuarfimmik nutaamik naammassillugu sanaartornissaq tigussallugu, maannalu inatsit tunngavigalugu kommunip missingersuusiornerani ilaatinneqarpoq, taamalu annerpaamik 2,06%-imik qaffariaataasinnaasoq qaangerneqarluni. Maannakkut missingersuusiornermi nuussinerit taama ittut ilanngunneqarnissaannut pisussaajunnaarsinneqarnissaannut aaqqiissuteqarnissaq siunertaralugu Aningaasaqarnermut Naligiissitaanermullu Naalakkersuisunik isumaqatiginninniarnert aallartereerput.

Allaffeqarfik 2022-mut missingersuutit aamma TB1 akuerisat tunngavigalugit 2023-mut tunngaviusumik missingersuusiorpoq. Missingersuutit isertitanut, ingerlatsinermut aningaasartuutitut, ernianut aamma sanaartugassanut aningaasaliissutinut agguataagaapput, taakkulu ataatsimut politikikkut pingaarnersiuiinissamut 83 mio kr.-inik aningaasaqarnikkut atorsinnaasanik tunngavissiisuussapput.

Politikikkut pingaarnersiuiinermi atorsinnaasat allaffissornikkut aamma politikikkut missingersuutitut siunnersuutit ingerlatsinermut missingersuutitut ilanngunneqarnissaannut kiisalu sanaartugassanut missingersuutini allannguutissatut siunnersuutitut atorineqarnissaat anguniarneqarpoq. Taamaalilluni atorsinnaasat tassaapput politikikkut missingersuutit pillugit isumaqatiginninniarnermi najoqqutassat.

Kommunalbestyrelsip 2022-mi maajip ulluisa 31-anni ataatsimiinnerani 2023-mut missingersuusiornermi malittarisassat akuersissutigineqarput. Tassani kommunip missingersuusioriaasia, missingersuusiornermullu tunngavigineqartut nassuiarneqarput. Tamanna pillugu annertunerusumik paasissutissat missingersuutitut mappimi imm. 2 innersuussutigineqarpoq.

Missingersuutit Kommunalbestyrelsimi siullermeerneqarnissaannut saqqummiunneqassapput, tamatumalu kingorna missingersuutit inaarutaasumik aalajangiunneqarsimasutut naatsorsuutigineqarnissaannut Aningaasaqarnermut Inuussutissarsiornermullu Ataatsimiititami Kommunalbestyrelsimilu aappassaaneerneqassapput.



### Missingersuutit suliarineqarnerinut pilersaarut

22. septembari 2022: Aningaasaqarnermut Inuussutissarsionermullu Ataatsimiititami

missingersuutit siullermeerneqarnerat

3. oktobari 2022 2023-mut missingersuutit pillugit Kommunalbestyrelsip immikkut sammisaqarnera

4. oktobari 2022: Kommunalbestyrelsimi 2023-mut missingersuutit siullermeerneqarnerat

6. oktobari 2022: Missingersuutit pillugit isumaqatigiissuteqarnissamut periarfissaq pillugu ataatsimiinneq

7. oktobari 2022: Missingersuutit pillugit isumaqatigiissuteqarnissamut periarfissaq pillugu immikkut ataatsimiinnissamut periarfissaq

3. novembari 2022: Aningaasaqarnermut Inuussutissarsionermullu Ataatsimiititami missingersuutit aappassaaneerneqarnerat

29. novembari 2022: Kommunalbestyrelsimi 2023-mut missingersuutit aappassaaneerneqarnerat

### Missingersuutininik saqqummiussineq

Ataatsimiititap siullermeerininnissaanut 2023-mut tunngaviusumik missingersuutit ilaapput,

tassanilu tunngaviusumik nalinginnaasumik ingerlatsinermi 463 mio. kr.-inik

sinneqartooruteqartussatut takussutissaqarpoq, sanaartugassanut aningaasaliissut 470 mio. kr.-it, tamatumalu kingunerisaanik 2023-mut angusani 7 mio kr.-inik amigartooruteqassalluni.

Aningaasaliissutissanik annertuumik pissarsiaqarsimaneq pissutigalugu tunngaviusumik missingersuutini aningaasat tigorianaanaat 145 mio. kr.-inut amerleriaateqarput kiisalu 2023-p naanerani karsimiittuutit 190 mio kr.-inut amerleriaateqarlutik.

Allaffeqarfimmit tunngaviusumik missingersuutit aallaavigalugit ingerlatsivinni missingersuutit misissorneqarput, tassanilu 2023-mut tunngaviusumik missingersuutini arlalinnik allangortitsisoqartariaqartoq paasineqarpoq. Aningaasartuutissat pituttorsimasut kingunerisaanik allannguuteqartoqassaaq, taakkulu ingerlatsiviit missingersuusiorfimmi 2023-2026-mi malittussaavaat.

Ataatsimut isigalugu 90 mio. kr.-it akuersissutigineqarnissaat aamma missingersuutit siunnersuutit pisarialinnik missingersuutininut ilanngunneqarnissaat allaffeqarfimmit siunniunneqarpoq.

Allaffeqarfimmit missingersuutit siunnersuutit pisariallit akuersissutigineqarpata nalinginnaasumik ingerlatsinermi angusat 373 mio. koruuniussapput, sanaartugassanut aningaasaliissutit 462 mio. koruuniussapput inernerillu tamakkiisut 89 mio. koruuninik amigartooruteqarfiussapput. Taamaalilluni aningaasat tigorianaanaat 2023-mi 63 mio. kr.-inik amerleriaateqassapput, taamalu 2023-p naalernerani karsimiittuutit 83 mio. koruuniussallutik.

Maannakkut sanaartugassanut pilersaarutit annertuut taakkunungalu aningaasaliissutit kommunimit tigoqqinneqalermata kommune piaartumik aningaasanik tigorianaannarnik pisariaqartitsiunnaarpoq.

Taamaammat missingersuusiorfimmi 2023-mit 2026-mut kommunimi aningaasat tigorianaanaat amerliartuaartinneqarnissaat siunniunneqarpoq. Taamaalilluni 2023-mi karsimiittuutit 25 mio. koruuniunissaat, 2026-mi 150 mio. koruuninut amerliartuaartillugit missingersuusiorqarnissaa inassutigineqarpoq.

Kommunimi aningaasat tigorianaannanut taamatut killiliiffigineqarneratigut 2023-mut aningaasat atorsinnaasat 83 mio. koruuninngussapput. Aningaasat atorsinnaasat tunngavigalugit



Kommunalbestyrelse missingersuutitut siunnersuutit pingaarnersiornissaannut kiisalu missingersuutitini kissaatit suliniutillu nutaat ilanngunnissaannut periarfissaqassaaq.

### **Ingerlatsivimmit aningaasatigut sulisoqarnikkullu naliliinerit**

Aallaqqaasiutigalugu ingerlatsivimmit missingersuutitut siunnersuut 2022-mut missingersuutit akuerisat, 2022-milu ilassutitut aningaasaliissutit akuerisat kingunerisaannik iluarsineqarsimasut tunngavigalugit suliarineqartut erseqqissaatigineqassaaq. Tassunga atatillugu ingerlatsiviit ataasiakkaat (PINNGITSOORANI) iluarsiiissutissat pisariaqartut naqqiissutillu kiisalu SULIARINEQARSINNAASUT pillugit periarfissat allattorsimaffia ataaseq pillugit takussutissamik suliaqarput.

Maanna missingersuutitut siunnersuut saqqummiunneqartoq sukumiisumik suliarineqarsimasutut, tunngavilersorluagaasutut aamma pissutsit piviusut misissueqqissaarnerillu tunngavigineqartut ingerlatsivimmit nalilernerqarpoq. Missingersuutit aqutsinermut atugassaapput, matumanilu allaffeqarfimmit politikinerillu missingersuutit, tassunga ilanngullugit imarisai piumasagaatillu ilaasut, tutsuigineqarnissaat pisariaqarpoq. Taamaattorli pisoqarsinnaavoq, suliaasat annertussusaat allangorsinnaapput kiisalu tassanngaannartumik pisoqarsinnaavoq missingersuutitut siunnersuusiornermi siumut naatsorsorneqarsinnaanngitsunik. Pissutsit taamaattut ukioq missingersuusiornermi ilassutissatut aningaasaliissutitut ilaatinneqartassapput. Taamaattumik pisut pissutsillu nalinginnaasumik nakkutiginninnikkut peqqissaarussinikkullu missingersuusiornermi naatsorsuutigineqarsimasussaagaluartut ilassutitut aningaasaliissuteqartoqartillugu saqqummiunneqartassanngitsut paasissutissiissutigineqarnissaa pingaaruteqarpoq.

### **Suliffeqarfimmut Kiffartuussivimmit aningaasatigut naliliineq**

Suliffeqarfimmut Kiffartuussivimmit naliliineq immikkoortumi qulaani takuneqarsinnaavoq kiffartuussivik suliamut uunga pineqartumut susassaqartuugami.

### **Inatsisitigut tunngavissaq allakkallu tunngaviumik uppersaataitallit**

- Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq
- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Kommuneqarfik Sermersuumi Aqutsinermi lleqqoreqqusai
- Kommuneqarfik Sermersuumi 2023-mut missingersuusiornermut malittarisassat
- Kommuneqarfik Sermersuup piginnaatitaanermut pilersaarutaa

### **Ilanngussat**

1. Imarisaa
2. 2023-mut missingersuutitut missingersuusiornissamut malittarisassat
3. 2023-mut tunngaviumik missingersuutit pillugit saqqummiineq
- 3a. Budgetmodel 2023
4. Pisariaqartumik missingersuutissatut siunnersuut
5. Sanaartugassanut missingersuutit 2023-2031
6. Maanna sanaartornermut pilersaarutit nassuiarneri
7. Sanaartorneq pillugu missingersuutissatut siunnersuut
- 7a. 2023-mut missingersuutissatut siunnersuutit – ingerlatsivinnut agguataarlugit
8. Ingerlatsineq pillugu missingersuutissatut siunnersuut
9. Ingerlatsinermut suliaasat siunertaasa allaaserineri
10. Akigititat allattorsimaffiat 2022
11. 2023-mut akigititassatut siunnersuut



## **Punkt 14: Inuusaq atorlugu suliniut - kinguaassiuutitigut peqqissuunissaq**

### **Beslutning**

Aningaasaqarnermut Inuussutissarsiornermullu Ataatsimiititap Meeqqanut Atuarfeqarnermullu Ataatsimiititap aalajangernera isumaqatigaa, suliarlu Kommunalbestyrelsimut aningaasat pillugit inatsimmi aningaasat immikkoortinneqartut kommunimut tunniussinermi ilaatinneqarnissaat pillugu Namminersorlutik Oqartussanut saaffiginnittoqarnissaa siunertaralugu ingerlateqqillugu.

### **Bilag**

Naalagaaffimmit tapiissutinut isumaqatigiissummi 2022-mi sammisat ataasiakkaat pillugit allakkiaq (danskisut)



## Inuusaq atorlugu suliniut - kinguaassiuutitigut peqqissuunissaq

Inuusaq atorlugu suliniut Paarisamit Kommuneqarfik Sermersuumut tunniunneqarnissaa

Aalajangiiffigisassaq

SagsID: EMN-2022-04833

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### Inassuteqaat

Meeqqanut Atuarfeqarnermullu Ataatsimiititap Aningaasaqarnermut Inuussutissarsionermullu Ataatsimiititamut inassuteqaatigaa:

- inuusaq atorlugu suliniut Paarisamit tunniunneqarnissaa 2023-mut missingersuutit pillugit isumaqatigiinniarnermi politikikkut pingartinneqartussatut ilaatinneqarnissaa aalajangiiffigineqassasoq
- suliaq Kommunalbestyrelsimut akuersissutigisassanngorlugu ingerlateqqinneqassasoq

### Suliassamik saqqummiussineq

Isumaginninnermut Aqutsisoqarfiup ataaniittoq Paarisap 9. klassinut kinguaassiuutitigut suliniutaa "Inuusaq atorlugu suliniut" Kommuneqarfik Sermersuumut tunniunneqarnissaa kissaatigaa.

Paarisamit Kommuneqarfik Sermersuumi ukioq atuariusoq 2022/2023-mi siunissamilu atuartsinissamik neqeroorniatik nalunaarput.

Inuusaq atorlugu suliniut Nuna tamakkerlugu suliniutaavoq Namminersorlutik Oqartussanit aningaasaliiffigineqartartoq, taannalu Nuummi 2007-imi meeqqat atuarianni angajullernut atuartsinertut aallartinneqarpoq. Inuusaq atorlugu suliniut suli 2022-mi aningaasaqarnermut inatsimmi ilaavoq.

Suliniut 2007-imiit ineriartortinneqarpoq ullumikkullu kommuninut amerlanernut imaluunniit najukkami peqqinnissaqarfimmuot siammarterneqarsimavoq aqunneqarlunilu. Aaqqissuussaq kommunimit kommunimut assigiinngitsumik atorneqartarpoq, sumiiffiilli amerlanerit, Paarisa naapertorlugu, kommunini pitsaaliuinnermut siunnersortit imaluunniit atuarianni ilinniartitsisut Inuusaq atorlugu suliniummik atuartsisarput. Sumiiffiit ilaanni atuartsineq pillugu peqqissaasunik isumaqatigiissusiortoqartarpoq.

Suliniut Nuummi aallarteqqaarmat Paarisa suli Nuummi inuusaq atorlugu suliniummik kiisalu kinguaassiuutitigut peqqissuuneq pillugu atuartsinermik ingerlatsisarpoq. Illoqarfiit pingaarnersaanni Paarisami atuartsisussanik marlunnik suliniutillu ingerlannerata saniatigut allanik suliniutinik ingerlatsisussanik atorfinitsitsisoqarsimavoq. Paarisa Nuummiinnaq suliaq tamanna tigummimagu Paarisap suliaq Kommuneqarfik Sermersuumut tunniukkusuppaa.

Paarisap atuartsinermut atortut, inuusat atortorissaarutillu Kommuneqarfik Sermersuumut tunniukkusuppai. Paarisamit Inuusaq atorlugu suliniut ingerlanneqarneranik tunniunneqarneratigut Kommuneqarfik Sermersuumut nammineq Inuusaq pillugu suliniummik siunissami ingerlatsinissaq nammineq aningaasaliiffigisallissagaa nalunaarutigineqarpoq.

### *Inuusaq atorlugu suliniut pillugu*

Inuusaq atorlugu suliniummi inuusuttut angajoqqaajunermut, naartunaveersaatinut, naartuersittarnermut, nappaatit kinguaassiuutitigut tuniluuttartut, inuttut killigittat kinguaassiuutinullu tunngasunik ilisimasanik iliuuseqalersitsisinnaasunillu tunineqarnissaa kissaatigineqarpoq.

Inuusaq atorlugu suliniummi inuusat elektroniskimik piviusuusaartitat atorneqartarput (Realcare-dukke). Inuusaq Realcare-dukke naalungiarsuuttut pissusilersortarpoq. Meeqqat atuarianni atuartut



timitalerlugu angajoqqaajuneq qanoq isumaqarnersoq malugigaangamikku meerartaarnissamut pilersarusiornissaq qanoq pingaaruteqartiginersaq ilisimanerulertarpaat. Tamanna tunngavigalugu atuartut tamatuma kingorna kinguaassiuutit pillugit atuartitsineranut, ingerlatsinerup ilaatut ingerlanneqartumut, malinnaanissaminut kajuminnerulernissaat naatsorsuutigineqarpoq.

Inuusaq atorlugu suliniummi kinguaassiuutit pillugit atuartitsineq kiisalu aappariinnermut, missingersuusiornermut ilinniartitsineq kiisalu siunissamut takorluukkat ilaatinneqartarput. Atuartitsineq 9. klassinut ulluni pingasuni ingerlanneqartarpoq. Atuartitsinissaq sioqqullugu angajoqqaat ataatsimiitinneqarnissaanut, paasitinneqarniassammata atuartitsinermillu tapersersuiniassammatalu, angajoqqaat aggersarneqartarput.

Tamatuma saniatigut 8. klassimi atuartut ullormik ataatsimik sivilissusilimmik kinguaassiuutit pillugit atuartinneqartarput.

#### *Ingerlatsiviup naliliinera:*

Meeqqanut Atuarfeqarnermullu Ingerlatsivimmit kinguaassiuutitigut peqqissuunissaq pingaartinneqarnissaa isumaqataaffigineqarpoq, atuartunullu angajullernut kinguaassiuutit pillugit atuartitsineq kiisalu inuusaq atorlugu suliniut tapersersorneqarusulluni. Ingerlatsivimmiilli Paarisamit aningaasaqarnermut inatsisitigut suliassaq pituttorsimasoq ingerlatsineranut aningaasaliissutit ilanngunnagit tunniunneqarnissaanik kissaateqarneq nangaanartoqartut nalilerneqarpoq.

Tunniussisoqaratarnissaa pillugu oqaloqatiginninnermut atatillugu Meeqqanut Atuarfeqarnermullu Ingerlatsivimmit Inuusaq atorlugu suliniut naliliiffigineqarsimanera apeqquteqaatigineqarpoq. Paarisa Statens Institut for Folkesundhed-imik suleqatiginninnissamik isumaqatigiissusiorsimavoq, tassanngaanniillu suliniut 2022-mi nalilerneqarpoq. Taamaattorli inaarutaasumik nalunaarussiaq suli suliarineqarpoq.

Suliniut Kommuneqarfik Sermersuumit tiguneqassagaluarpat Paamiut, Tasiilaq Ittoqqortoormiillu ilanngunneqartariaqarput, taakkunani maannakkut inuusaq atorlugu suliniut atuartitsissutigineqarneq ajorpoq.

#### *Inuusaq atorlugu suliniummi suliassat:*

- 9. klassimi 8. klassimilu atuartunut atuartitsinissamut piareersarneq.
- Angajoqqaat ataatsimiitinnissaannut piareersarneq aamma/imaluunniit angajoqqaanut allakkatigut ilisimatitsisarneq.
- Inuusanik piareersaaneq nassiussuinerlu (atisat errorsisarfimmut, immersornerannut, atuarfinnut nassiussuineq).
- Nuummi, Tasiilami, Paamiuni Ittoqqortoormiini 9. klassinut ulluni pingasuni atuartitsineq + klassini tamani (klassit 15-it) ulloq ataaseq angajoqqaanik ataatsimiititsineq. Ullut suliffiusut 60-it, piareersarnerit angalanerillu minillugit.
- Nuummi, Tasiilami, Paamiuni Ittoqqortoormiini 8. klassinut ulloq ataaseq atuartitsineq. Ullut 13-it, piareersarnerit angalanerillu minillugit.
- Inuusanut immikkut atortunik atuartunullu tajanik chipitalinnik pisineq.
- Ukiumoortumik sammisassaqartitsineranut tunngatillugu atuarfinni pisortanik suleqateqarluni pilersarusiorneq.

#### **Ingerlatsivimmit aningaasatigut sulisoqarnikkullu naliliinerit**

Inuusaq atorlugu suliniummut aningaasat maanna ingerlatsiviup missingersuutaani ilaanngillat. Inuusaq atorlugu suliniut tunniunneqarnissaa Kommunalbestyrelsimit akuerineqassappat 2023-mut missingersuutit pillugit isumaqatiginninniarnermut ilanngunneqartariaqassapput.



Meeqqanut Atuarfeqarnermullu Ingerlatsivimmit ukioq tunniussiffimmi ukioq missingersuusiorfiusumi 2.297.558 koruunit ukiunilu missingersuusiorfinni 1.252.758 koruunit pisariaqartinneqassasut nalilerneqarpoq.

Suliniut ukioq atuarfiusoq 2022-2023-mi Kommuneqarfik Sermersuumi 8. klassinut atuartunut 13-inut aamma 9. klassinut 15-inut attuumassuteqassaaq.

Inuusaq atorlugu suliniummut tunngatillugu aningaasaqarneq.	Oqaaseqaatit	Ukiumut aningaasartuutissat missiliutit
Akissaatinut aningaasaliissutit	Kommunimi 8. klassinik 9. klassinillu tamanik atuartitsisussanik sulisunik/atuartitsisussanik marlunnik atorfinitsisinnermut.	430.000 kr. x sulisut marluk Katillugit: 860.000 kr.
Sulisut/atuartitsisut ilinniarnert piginnaanngorsarnerallu kiisalu atuartitsinnermut paasissutissat	Sulisut inuusat atorlugit atuartitsinissamut aamma kinguaassiutit pillugit atuartitsisarnermut pikkorissarnissamut neqeroorfigineqassapput.	100.000 koruunit ukioq tunniussivimmi. 25.000 ukiuni missingersuusiorfinni.
Nuup avataanut illoqarfinnut angalanernut aningaasartuutit	Sulisut marluk ukununga Ittoqqortoormiit, Tasiilaq aamma Paamiut. Timmisartumut billett aamma akunnittarfimmiinneq ullormusiassallu. Sumiiffinni immikkut ulluni sisamani atuartitsinerit. Angalaneq ilanngullugu katillugit ullut qulit naatsorsorneqarput:  Ullormusiat ullut qulit 5.000 miss. x sumiiffiit pingasut = 15.000 kr. x 2 sulisut = 30.000 kr.  Sumiiffinnut pingasunut timmisartukkut billett 10.000 kr. x 3 illoqarfiit x sulisut marluk =60.000 kr.  Akunnittarfik 1.000 kr. ullut unnuallu qulit x sumiiffiit pingasut x inuit marluk 60.000 kr.	Timmisartumut, akunnittarfimmut ullormusiassanullu katillugit = 150.000 kr.
Inuusanik nutaanik pisineq	Tasiilamut, Ittoqqortoormiinnut Paamiunullu inuusat (klassimut 26-nik atuartulinnut atuartumut ataatsimut inuusaq ataaseq) Inuusaq ataaseq 9.325 koruuneqarpoq.	4 x 9. klassit. Katillugit: 969.800 kr.
Errorsineq	Inuusanut atisat, nangit, ujamiutit atornerit tamaasa	30.758 kr.



	erroneqartassapput. Kiilumut 26 kr. Inuusaq ataaseq 3,5 kiilumik oqimaassuseqarpoq.	
Atortut	Usuup puui, tajaq chipitalik	3.000 kr.
Naatsorsuutiginnngisamik aningaasartuutit	Atortut aserorpata.	500 koruunit atuartumut ataatsimut. Katillugit: 169.000 kr.
Inuusat nassiunneri	Atuarfiit akornanni kiisalu iluarsaassinermut atatillugu. 3,5 kiilumik oqimaassuseqarput. Inuusat katillugit 338-t akornanni 15%-it (inuusat 50-it) ukiumut iluarsartuunneqartassasut allamilluunniit peqquteqartumik nassiunneqartassasut naatsorsuutigaarput. Inuusaq ataaseq nassiunneranut 300 koruunit miss.	Inuusat 50-it x 300 koruunit. = 15.000 kr.
<b>2023-mi katillugit (ukioq tunniussivimmi)</b>	Naatsorsuineq ukioq missingersuusiortimmut 2023-mut tunngavoq.	<b>2.297.558 kr.</b>
<b>Katillugit ukiumut missingersuutit (ukioq tunniussiffiup kingorna)</b>	2024-mit inuusat pisiarinqarnissaanut aningaasartuuteqartoqassanngilaq.	<b>1.252.758 kr.</b>

### **Suliffeqarfimmum Kiffartuussivimmit aningaasatigut naliliineq**

Suliffeqarfimmum Kiffartuussivimmit tunngavimmik DUT-imik (annertusisamik tamakkiisumik oqimaatigiittoqarnissaanut tunngavik) akertusumik tunniussinermut tunngasuusoq maluginiarneqarpoq. Namminersortutik Oqartussat suliniummum maanna aningaasaliissutaasimasut tunniuttussaavaat.

Inuusaq atorlugu suliniut aamma MANU pillugit 2022-mut Aningaasanut inatsisip qallunaatuani qupp. 310-mi ima allaqqavoq:

*"Suliniutit marluk angajoqqaajulluarnissamut kissaatiginngisamillu naartulertarnerup pinaveersaartinneqarnissaanut sammitinneqarput. Inuusaq atorlugu suliniutikkut inuusuttut namminneerlutik angajoqqaatut misiginissaat kiisalu kinguaassiuutitigut peqqissumik inuuneqarnerup ilisimasaqarfiginerulernissaa siunertarineqarpoq. Sullinniakkat angajoqqaajulluarnissaat MANU-p siunertaasa ilagaat."*

Aammattaaq 2022-mut Aningaasanut inatsimmi qallunaatuani qupp. 312-imi tabelimi takuneqarsinnaavoq inuusaq pillugu suliniut aamma MANU pillugit 4.541 t.kr.-inik aamma BO2023-mut 4,5 mio. kr.-inik immikkoortitsisoqarsimasoq.

### **Inatsisitigut tunngavissaq allakkallu tunngaviummik uppersaatitalit**

- 2022-mut aningaasaqarnermut inatsit - Inatsisartut. - 30.10.48 Isumaginnikkut peqqissutsikkullu pinaveersaartitsineq
- Inuuneritta III - 2020-2030 meeqqat inuunerinnissaat pillugu suleqatigiinnissamut Naalakkersuisut periusissiaat

### **Siusinnerusukkat aalajangiinerit**

*Meeqqanut Atuarfeqarnermullu Ataatsimiititaq, 07.09.22:*

Inassuteqaat itigartitsissutigineqarpoq, imatut oqaaseqaatitalerlugu:



Namminersorlutik Oqartussat inuusaq atorlugu suliniut tunniutissappassuk ataatsimiitaliamiit kissaatigineqarpoq aningaasanut inatsisissami aningaasat suliniummut illikartinneqarsimasut kommunimut tunniunneqassasut.

### **Ilangussat**

1. Naalagaaffimmit tapiissutitut isumaqatigiisummi 2022-mi sammisat ataasiakkaat pillugit allakkiaq (danskisut)

## **Punkt 15: Kommuneqarfik Sermersuumi inuussutissarsiutit tunngavigalugit atuaqatigiinnik pilersitsineq**

### **Beslutning**

Inassuteqaat akuersissutigineqarpoq.



## **Kommuneqarfik Sermersuumi inuussutissarsiutit tunngavigalugit atuaqatigiinnik pilersitsineq**

Aalajangiiffigisassaq

SagsID: EMN-2022-05247

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### **Inassuteqaat**

Meeqqanut Atuarfeqarnermullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Kommuneqarfik Sermersuumi inuussutissarsiutit tunngavigalugit atuaqatigiinnik pilersitsinissami ilusissaatut aallaaviusussamik misissueqqaarnerup suliarineqarnera akuersissutigineqassasoq
- suliaq Kommunalbestyrelsimut akuerisassanngorlugu ingerlateqqinneqassasoq

### **Suliassamik saqqummiussineq**

Kommuneqarfik Sermersuumi Inuit Ataqaatigiit aamma Naleraq suleqatigiinnissamut isumaqatigiissutaanni allaqqavoq, Kommuneqarfik Sermersuumi meeqqat atuariini atuartut tamaasa inuusuttutut ilinniagaqalernissaannut piginnaanngorsassallugit, aammattaaq atuartut inuttut ilikkagassatigullu piginnaanngorsassallugit, imminnut tatigalutik pisariaqartumillu ilorlikkut nakuussuseqarlutik siunissaminnik naapitsisinnaaqqullugit, nunarsuarmioqataalluni inuuneq nutaaliaasoq pissuseqarfigisinnaallugu. Aamma kommunimi suliffeqarfiit suleqatigineqarnerulernissaat siunnersuutigineqarpoq, atuarfimmi skemami assassorluni piginnaasat amerlanerit, suliffeqarfinni sungiusarnerit amerlanerit aammalu suliffeqarfiit sungiusarfissat amerlanerit kiisalu suliffeqarfiit toqqaannartumik atuarfinni najuuttoqarnissaat. Kiisalu atuartut atuariatormaneeq ajortut neqerooruteqarfigineqartalissapput.

Oktobari 2021-mi Meeqqanut Atuarfeqarnermullu Ataatsimiititaq angalavoq, taamanikkullu Aalborg Kommuneani 10. erhvervsklasse UAX EUD10 ilaatigut ataatsimiititamit pulaarneqarpoq. Tamanna tunngavigalugu Meeqqanut Atuarfeqarnermullu Ingerlatsiviup Kommuneqarfik Sermersuumi inuussutissarsiutit tunngavigalugit atuaqatigiinnik pilersitsinissamut periarfissanik misissuineq aallartisalerpaa.

Inuussutissarsiutit tunngavigalugit atuaqatigiit meeqqat atuarianni angajullernut immikkut ittumik ilisimasaqarluni anguniagalimmik neqeroorutit nassuiarneqarsinnaavoq, ukioq atuariusoq tamaat sivilisutiginnaallunilu piffissani sivikinnerusuni atuussinnaasoq. Atuartitseriaaseq aammalu perorsaanikkut pissarsiat pineqarput, atuagarsorneq aamma sulineq kiisalu suliffimmi sungiusarneeq annertuumik akuleriissillugit pingaartinneqarlutik. Inuussutissarsiutit tunngavigalugit atuaqatigiinni atuartut naliginnaasumik fagini arlalinnik sakkortusisamik qangatootumillu atuarinneqartarput, tamakkulu kingornagut misilitsissutigineqartarput. Taakkununga ilanngullugu atuartut assassorlutik piginnaasatik, angusatik sulinertillu pillugit pitsaanerumik uppersaatissarsisarput, inuussutissarsiutit tunngavigalugit atuaqatigiinni aammalu suliffeqarfinni sungiusarnerminni pissarsiarisimasaminnik.

Atuaqatigiit tassaasinnaapput atuartut, assassornermik pikkoriffeqartorujussuit, taamaattumillu atuarnerminni atuartitaanerminnilu assassornermut tunngasunik annertunerumik



pissarsitinneqarnissaminnik pisariaqartitsisut. Aamma imaassinnaavoq atuartut meeqqat atuarianni qangatoortumi assigiinngitsunik peqquteqarlutik ingerlalluannngitsut, atuarumaneq ajortut imaluunniit arlaatigut peqquteqartumik assassornermut tunngasunik atuartinneqarnissaminnik atuilluarsinnaanerusut. Inuussutissarsiutit tunngavigalugit atuaqatigiinni atuarnermi atuartut ataasiakkaat imminnut tatiginerat piumassuseqarnerallu aammalu atuagarsornikkut assassornikkullu piginnaasaat pitsanngorsarneqarsinnaapput. Tassunga ilanngunneqassaaq aamma atuartut ataasiakkaat inuusuttunut ilinniarfimmi ilinnialernissaannut imaluunniit atuarfimmit taamaatereernerminni suliffeqalernissaannut periarfissagissaarnerulersinneqarsinnaammata.

Tamanna pillugu kommunimi atuarii aqutsisunik ataatsimeeqateqareernermi, atuarii aqutsisuisa oqaatigaat, kommunimi inuussutissarsiutit tunngavigalugit atuaqatigiinnik pilersitsinissamik pisariaqartitsisoqaalunilu kissaateqartoqartoq. Kommunimi meeqqat atuarii sionatigut aaqqissuussinernut assingusunik ingerlatsisoqarnikuvoq, pingaartumik Atuarfik Ukaliusaq aamma Tasiilami Alivarpi, taakkuli assigiinngitsunik peqquteqartunik atorunnaarnikuupput. Inuussutissarsiutit tunngavigalugit atuaqatigiit Kalaallit Nunaanni Danmarkimilu kommunini allani aamma ilisimaneqarput.

Kommuneqarfik Sermersuumi inuussutissarsiutit tunngavigalugit atuaqatigiinnik ataatsimik arlannilluunniit pilersitsiniaraanni, Meeqqanut Atuarfeqarnermullu Ingerlatsivik erseqqissaasariaqarpoq, inuussutissarsiutit tunngavigalugit atuaqatigiit qanoq ilusilersorneqassanersut.

Assersuutigalugu erseqqissaatigineqassaaq, atuarfik pillugu inatsisip atuuttup iluani aaqqissuussineq qanoq inissaqartinneqassanersoq, imaluunniit misiligitut aaqqissuussiffigineqarnissaa qinnuteqaatigineqassanersoq. Pisariaqartoq alla tassaavoq, suliniummi soqutigisallit arlallit peqatiginissaannut suleqatiginissaannullu pisussaaffilimmik isumaqatigiissuteqartoqarnissaa, tassunga ilanngullugu pingaartumik suliffeqarfinnik suliutigullu ilinniarfeqarfinnik. Tassunga ilanngullugu assersuutigalugu nalilersorneqassaaq, Nuummi atuarfittaassami inuussutissarsiutit tunngavigalugit atuaqatigeeqarnissamut naammattumik inissaqarnerasoq, imaluunniit allarluinnarmi inissinneqassanersut.

Tamanna tunngavigalugu ingerlatsiviup naatsorsuutigaa misissueqqaarnermik aallartitsisoqassasoq, tassanilu pingaarnertut immikkoortut tulluuttut erseqqissaassutigineqassasut:

- 1) Nunanit allanit isumassarsisarnerit
- 2) Inatsisitigut tunngavigineqartut
- 3) Suleqatit
- 4) Sullinneqartut
- 5) Sumiiffissaa atortussaalu
- 6) Sulisunik pisariaqartitsineq
- 7) Suliap imarisai
- 8) Aaqqissuussaaneq
- 9) Aningaasaqarneq

Ingerlatsiviup naatsorsuutigaa, Kommuneqarfik Sermersuumi inuussutissarsiutit tunngavigalugit atuaqatigiilornissamut misissueqqaarnermi angusat inaarutaasumillu ilusiliineq 2023-mi marsip naalernerani saqqummiunneqarsinnaassasoq.



### **Ingerlatsivimmit aningaasatigut sulisoqarnikkullu naliliinerit**

Ingerlatsiviup nalilerpaa, inuussutissarsiutit tunngavigalugit atuaqatigiiliornissamut misissueqqaarnerup naammassineqarnissaa ilusilersorneqarnissaalu ingerlatsiviup missingersuutaasa iluini ingerlanneqarsinnaassasoq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviumik uppersaatitalit**

- Inuit Ataqatigiit aamma Naleqqap akornanni Kommuneqarfik Sermersuumi kommunalbestyrelsimi 2022-mit 2025-mut suleqatigiinnissamik isumaqatigiissutaat
- Atuarfik pillugu Inatsisartut inatsisissaattut siunnersuut nr. 15, 3. December 2012-imeersoq
- Meeqqat atuarfianni immikkut atuartitsineq ikiorsiisarnerlu pillugit Namminersorlutik Oqartussat nalunaarutaat nr. 21 8. dec. 2017-imeersoq.
- Meeqqat atuarfianni inaarutaasumik naliliineq pillugu Namminersornerullutik Oqartussat nalunaarutaat nr. 3, 9. januar 2009-meersoq
- Atuarfimmi naliliisarneq uppersaasiortarnerlu pillugit Namminersornerullutik Oqartussat nalunaarutaat nr 2, 9 januar 2009-meersoq

### **Siusinnerusukku aalajangiinerit**

*Meeqqanut Atuarfeqarnermullu Ataatsimiititaq, 07.09.22:*

Inassuteqaat akuersissutigineqarpoq.

### **Ilanngussat**

Soqanngilaq.

## **Punkt 16: Tapiissuteqartarnermut malittarisassanut nutaanut siunnersuut**

### **Beslutning**

Inassuteqaat akuersissutigineqarpoq.

### **Bilag**

Tapiissuteqartarnermut malittarisassanik nutaanik nassuiaat

Massakkut aningaasat agguataarneqarneri, ilaasortat amerlassusaat peqatigiiffiillu missingersuutaat

Tapiissuteqartarnermut malittarisassat massakkut atuuttut



## Tapiissuteqartarnermut malittarisassanut nutaanut siunnersuut

Tapiissutit pitsaanerit peqatigiiffinnik pitsaanernik naligiinnerulernermillu pilersitsissapput.

Aalajangiiffigisassaq

SagsID: EMN-2022-05421

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### Inassuteqaat:

Meeqqanut Atuarfeqarnermullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- tapiissuteqartarnermut malittarisassanik allannguinnissaq akuerineqassasoq
- suliaq Kommunalbestyrelsimut ilisimatitsissutitut ingerlateqqinneqassasoq

### Suliassamik saqqummiussineq

2019-imi tapiissuteqartarnermut malittarisassat nutaat 2021-p tungaanut misiliiffimmik piffissaliussilluni akuersissutigineqarput. Piffissami misiliiffiusumi susasaqartitsinermik immikkoortortap tapiissuteqartarnermut malittarisassat atuutsinneqalersut peqatigiiffinnut pitsaanerpaajungitsut paasivaat. Piffissami misiliiffiusumi peqatigiiffinnit arlalinnit, tapiissuteqartarnermut malittarisassat tungaasigut ajornartorsiuteqarneq, taakkulu pillugit allannguuteqartitsisoqarnissaanut kissaateqarneq pillugu saaffiginnissuteqartoqareersoq, tapiissuteqartarnermut malittarisassat ilanngussaq 1-imi nassuiarneqartunut allanngortinneqarnissaat siunnersuutigineqarpoq. Ilanngussaq 1, GIF-imik siunersuineq piffissamilu misiliiffiusumi misilittakkat tunngavigalugit suliarineqarpoq. Peqatigiiffiit piffissami misiliiffiusumi saaffiginnissutiginerpaasaat tassaavoq, peqatigiiffiit isumaqarmata naligiingitsumik agguataarinerusoq, peqatigiiffinni ilaasortat amerlassusaat aallaavigalugu peqatigiiffiit ilaat allanit amerlanerusunik tapiiffigineqartarmata. Tassani assersuutigineqarsinnaavoq peqatigiiffik angisooq X 63.000 kr.-nik pissarsisartoq 250-inillu ilaasortaqluni kiisalu peqatigiiffik minneq 62.000 kr.-nik pissarsisartoq 50-inillu ilaasortaqluni. Aningaasat agguataarneqarnerinik sukumiinerusumik ersarissaaneq ilanngussaq 2-mi takuneqarsinnaavoq.

Taamaattumik Meeqqanut Atuarfeqarnermullu Ingerlatsiviup tapiissuteqartarnermut malittarisassat piffissami misiliiffiusumi misilittagarilikkat tunngavigalugit naleqqussarneqassasut.

### *Tapiissuteqartarnermut malittarisassani aningaasaatit 1-imut allannguutissatut siunnersuut:*

Tapiissuteqartarnermut malittarisassat ilanngussaq 1-imi nassuiarneqartutut atuutsinneqalissasut, aningaasaatit 1-i tapiissutinut pingasunut assigiinngitsunut avinneqarlutik; ingerlatsinermut tapiissut, ilaasortanut tapiissut kiisalu angalanernut tapiissut. Takussutissiami Nuuk aallaavigalugu aningaasat qanoq agguataarneqassanersut takuneqarsinnaavoq. Takussutissiaq massakkut peqatigiiffiit amerlassusaat, peqatigiiffinni ilaasortat aningaasallu Nuummi peqatigiiffinnut immikkoortitat aallaavigalugit naatsorsorneqarpoq, taakkulu allanngorpata allannguuteqassalluni.

Ingerlatsinermut tapiissut (1,7 mio. kr.-nit 10%-ii)	170.000 kr.	Peqatigiiffimmuut ataatsimut 4.146 kr.-nit (peqatigiiffiit nalunaarsukkat 41-t)
Ilaasortanut tapiissutit (1,7 mio. kr.-nit 15%-ii)	255.000 kr.	Ilaasortamut ataatsimut 85 kr.-nit (ilaasortat 3.000-it)
Angalanissanut aningaasaatit (1,7 mio. kr.-nit 75%-ii)	1.275.000 kr.	Billetit 375-it (3.400 kr.-nik akillit)



Siunnersuut una aningaasartuutitaqassanngilaq. Peqatigiiffinnut atugassarititat kommuninut allanut sanilliullugit pitsanngorsarneqassappata aamma/imaluunniit assigiimmik ingerlanneqassappata, periarfissat marluk allat sulissutigineqarsinnaapput, taakkuli pissappata peqatigiiffinnut amerlanerusunik aningaasaliinissaq pisariaqassaaq.

*Tapiissuteqariaatsimut allamut siunnersuut 1:*

Peqatigiiffiit aningaasanik amigaateqarnertik pillugu saaffiginnissutaasigut kiisalu ukiumut missingersuutit nassiuttagaat (ilannugussaq 2 takuuk) aallaavigalugit, peqatigiiffinnut aningaasanik immikkoortitsisarneq naammanngitsoq misilittagarineqarpoq, tamannalu ingerlalluarnissaannut akornutaasarpoq. Taamaattumik ingerlatsiviup peqatigiiffinnut tapiissutit ass. 5 mio. kr.-nut amerlineqarnissaat siunnersuutigaa. Takussutissiaq qulaaniittutut Nuummi aallaaveqarpoq.

Ingerlatsinermut tapiissutit (5 mio. kr.-nit 10%-ii)	500.000 kr.	Peqatigiiffimmuut ataatsimut 12.195 kr.-nit (peqatigiiffiit nalunaarsukkat 41-t)
Ilaasortanut tapiissutit (5 mio. kr.-nit 15%-ii)	750.000 kr.	Ilaasortamut ataatsimut 250 kr.-nit (ilaasortat 3.000-it)
Angalanissanut aningaasaatit (5 mio. kr.-nit 75%-ii)	3.750.000 kr.	Billetit 937-t (4.000 kr.-nik akillit)

Peqatigiiffiit missingersuutaannik naatsorsuinerit aallaavigalugit periarfissanut allattorsimaffiup taamaattup peqatigiiffinnut aningaasartuutissat amerlanersaat equutsissavai.

*Tapiissuteqariaatsimut allamut siunnersuut 2:*

Nunatsinni sunngiffimmi siunnersortit allat siunersiuiffigereerini Kalaallit Nunaanni kommunini allani tapiissuteqartarnermut aaqqissuussinerit 100%-iusut atuutilersimasut paasineqarpoq. Tamanna Kommuneqarfik Sermersuumi atuutilissagaluarpat, peqatigiiffiit missingersuutaannik naatsorsuinerit aallaavigalugit, tamanna massakut 9 mio. kr.-nik piumasagaateqarfiussagaluarpoq. Periarfissanut allattorsimaffimmi taamaattumi, aningaasat immikkoortinneqarnikut pioreersut (750.000 kr.-nit), sunngiffimmi allagartamut meeqqanut ilaqutariinnit pissakinnerusuneersunut aningaasartuutit matussuserniarlugit atuutilersinneqartumeersut atorlugit Meeqqanut Atuarfeqarnermullu Ingerlatsivik tapersiisinnaavoq. Siunnersuut akuerineqassappat, sunngiffimmi allagartaq pisariaqartinneqarunnaassaaq.

**Ingerlatsivimmit aningaasatigut sulisoqarnikkullu naliliinerit**

Tapiissuteqartarnermut malittarisassat nutaat akuerineqarnissaat aningaasaqarnikkut kinguneqartitsissanngilaq.

Tapiissuteqariaatsit allat sulissutigineqarnissaat ingerlateqqikkusunneqarpat, periarfissanut allattorsimaffiliortoqartariaqassaaq.

**Suliffeqarfirmut Kiffartuussivimmit aningaasatigut naliliineq**

Agguaassinermi pingaarnertut najoqqutassamut aningaasatigut kinguneqassanngilaq, aningaasaliissutit amerlineqarnissaat naatsorsuutigineqartillugu. Tapiissutit ukiut tamaasa isumaqatiginninniutigineqartassapput, peqatigiiffimmuut ilaasortat allattorsimaffiata pissarsiarineratigut aammalu paasissutissat aammalu tapiissutit amerlassusissannut tunngatillugu pisariaqartinneqartut pissarsiarinerisigut.

Tapiissuteqariaatsit marluk ilaat ataaseq ingerlateqqinneqartussatut kissaatigineqarpat, taakkua pillugit immikkut aningaasatigut nalilersuisoqassaaq.

**Siusinnerusukkat aalajangiinerit**



*Meeqqanut Atuarfeqarnermullu Ataatsimiititaq, 07.09.22:*

Inassuteqaat akuersissutigineqarpoq, imatut oqaaseqaatitalerlugu:

Aningaasanut siunnersuutissat oqallisigineqalerpata kissaatigineqarpoq Aningaasaqarnermut Inuussutissarsiornermullu Ataatsimiititami kiisalu Kommunalbestyrelsimi qaqinneqassasut.

### **Ilannussat**

1. Tapiissuteqartarnermut malittarisassanik nutaanik nassuiaat
2. Massakkut aningaasat agguataarneqarneri, ilaasortat amerlassusaat peqatigiiffiillu missingersuutaat
3. Tapiissuteqartarnermut malittarisassat massakkut atuuttut

## **Punkt 17: Suliffeqarneq pillugu politikki 2023-2033**

### **Beslutning**

Inassuteqaat akuersissutigineqarpoq.

### **Bilag**

Suliffeqarneq pillugu politikki 2023-2033

IA-p Naleqqallu akornanni suleqatigiinnissamut isumaqatigiissut 2022-2025

## Suliffeqarneq pillugu politikki 2023-2033

Aalajangiiffigisassaq

SagsID: EMN-2021-11120

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Suliffeqarnermut Isumaginninnermullu Ataatsimiititap Aningaasaqarnermut

Inuussutissarsiornermullu Ataatsimiititamat inassuteqaatigaa:

- Suliffeqarneq pillugu politikki akuerineqassasoq
- qulequttap Suliffeqarnermut politikki-mut allanngortinneqarnissaa akuerineqassasoq
- politikki Kommunalbestyrelsimut aalajangiiffigisassatut ingerlateqqinneqassasoq

### Suliassamik saqqummiussineq

Kommuneqarfik Sermersuumi isumaqatigiissuteqartut suleqatigiinnissamat isumaqatigiissut 2022-2025-mi aamma missingersuutit pillugit isumaqatigiissut 2021-mi suliffeqarneq pillugu politikkiortoqassasoq akuersissutigaat. Politikkiimi ukiuni tulliuuttuni suliffeqarnermut tunngatillugu suliniutissat ersarissamik paasiuminartumillu sammivissaat aalajangersarneqarput.

Suliffeqarnermut Isumaginninnermullu Ingerlatsiviup 2021-mi suliffeqarneq pillugu politikkiimik suliaqarneq aallartippaa. Suliaqarnerup ilaatut Suliffeqarnermut Isumaginninnermullu Ataatsimiititami kommunalbestyrelsimilu immikkut ittumik sammisaqartitsisoqarpoq. Tamatuma saniatigut inuussutissarsiortunit allaffeqarfimmillu saqqummiisoqarluni isumasiortitsisoqarlunilu workshopertoqaroq, tassanilu suliffeqarnermut suliassaqarfimmi soqutiginnittut politikkimut isumassarsiaminnit tunniussinissamat periarfissinneqarput.

Suliffeqarneq pillugu politikkiikkut innuttaasut amerlanerpaat sulilersinniarneqarnissaat ilinniagaqalernissaalluunniit taamalu imminnut pilersulernissaat kiisalu suliffeqarfiit sulisut pisariaqartitaat pissarsiarineqarsinnaalernissaat anguniagaavoq. Pingaarnertut immikkoortuni tulliuuttuni suliniuteqarfiusussat tassaassapput:

- piginnaanngorsaaqqinneq piginnaasanillu ineriartortitsineq
- suliffeqarfiit inissaqartitsisut
- Inuusuttut suliffissaaleqisut
- Sulisartut avataaneersut

Suliffeqarnermut Isumaginninnermullu Ingerlatsivimmit Suliffeqarneq pillugu politikki tunngavigalugu qanoq politikkiimi anguniagassat takorluukkallu sulinermi piviusunngortinneqarsinnaanerani pilersaarusiortoqassaaq.

### Ingerlatsivimmit aningaasatigut sulisoqarnikkullu naliliinerit

Suliffeqarfik ingerlalluortoq Kommuneqarfik Sermersuumiinaanngitsoq aammali Kalaallit Nunaanni inuiaqatigiit sulii siuariartornissaanut atugarissaarneranullu tunngaviuvoq.

### Suliffeqarfimmut Kiffartuussivimmit aningaasatigut naliliineq

Pisariaqanngilaq.

### Inatsisitigut tunngavissaq allakkallu tunngaviusumik uppernarsaatitallit

- o 2021-mut missingersuutitut isumaqatigiissut



- Inuit Ataqatigiit aamma Naleqqap akornanni Kommuneqarfik Sermersuumi kommunalbestyrelsimi 2022-mit 2025-mut suleqatigiinnissamik isumaqatigiissutaat

### **Siusinnerusukkut aalajangiinerit**

*Suliffeqarnermut Isumaginninnermullu Ataatsimiititaq, 13.09.22:*

Inassuteqaat akuersissutigineqarpoq, imatut oqaaseqaatitalerlugu:

Qulequtaa beskæftigelsespolitikkimut allanngortinneqarnissaa kissaatigineqarpoq.

### **Ilanngussat**

1. Suliffeqarneq pillugu politikki 2023-2033
2. IA-p Naleqqallu akornanni suleqatigiinnissamut isumaqatigiissut 2022-2025

## **Punkt 18: Kommunitut pilersaarummut tapiliussap 3A8-4 Iiminaq, Nuuk inaarutaasumik akuersissutigineqarnera**

### **Beslutning**

Inassuteqaat amerlanerussuteqartut (IA aamma N) akuersissutigaa.

Inassuteqaat ikinnerussuteqartut (S aamma D) itigartissutigaa.

Siumumit aammalu Demokratinit ikinnerussuteqartutut oqaseqaat: aallaqqaataani siunnersuummi sanaartorfiit arfineq-marluusut suli Demokratinit aammalu Siumumit kissaatigineqarput.

### **Bilag**

Tusarniaanermut akissutinik suliaqarneq

Tusarniaanermi akissutit tiguneqartut

Kommunitut pilersaarummut tapiliussap 3A8-4 Iiminaq, Nuuk

## Kommunimut pilersaarummut tapiliussap 3A8-4 liminaq, Nuuk inaarutaasumik akuersissutigineqarnera

Aalajangiiffigisassaq

SagsID.: ANL-2020-00020

Sanarfinermut Avatangiisinullu Ingerlatsivik - pisortaq Hans Ulrik Skifte/ HUTS

### Inassuteqaat

Sanarfinermut Avatangiisinullu Ataatsimiititap Aningaasaqarnermut Inuusutissarsiornermullu Ataatsimiititamut inassuteqaatigaa:

- kommunimut pilersaarummut tapiliussaq 3A8-4 liminaq akuersissutigineqassasoq
- suliaq inaarutaasumik akuersissutigisassanngorlugu Kommunalbestyrelsimut ingerlateqqinneqassasoq

### Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 3A8-4 liminaq, Nuuk matumuuna saqqummiuppa. Kommunimut pilersaarummut tapiliussaq 3A8-4 liminaq, Nuuk siunnersuutitut nutaamik sapaatip akunnerini arfinilinni tamanut tusarniaassutigineqarpoq piffissami juunip aallaqqaataaniit juulip 13-iata 2022-p tungaanut. Nutaamik tusarniaatitsineq pivoq Kommunalbestyrelsip 22. februaari 2022-mi tamanna aalajangermagu. Taamanikkut amerlanerussuteqartunit kommunimut pilersaarummut tapiliussaq akuersissutigineqarpoq, inissianut sanaartorfissat arfinillit pinnagit.

Ingerlatsivimmit allannguutit annertuutut nalilerneqarput, taamaattumillu pilersaarusionermut inatsimmi (Pilersaarusionerq aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-imeersoq) §24 imm. 2 maliillugu pilersaarut sapaatip-akunnerini arfinilinni nutaamik tamanut tusarniaassutigineqarpoq.

Nutaamik tusarniaassutiginerani tusarniummut akissutit sisamat tiguneqarput, taakkulu oqaaseqatigiinnik annikitsunik allannguuteqartitsinermik kinguneqarput.

Kommunimut pilersaarummut tapiliussami aalajangersarneqarpoq, immikkoortup ilaani 3A8 inissialorfissatut atugassanngortinneqartoq (A). Kommunimut pilersaarummut tapiliussami siunertaavoq, sanaartukkat aqqissugaanerata attatiinnarneqarnissaa, suli ataqatigiissaarluarnerunissaa assigiissaarneqarnissaallu kiisalu inissiaqarfiup ineriartortinneqarnerata attanneqarsinnaasuunissaanut pilersaarusionermi tunngavissaqarnissaaq.

Kommunimut pilersaarummut tapiliussami immikkoortup ilaata 3A8-p allineqarnissaa ilaavoq aammalu sanaartorfissamik ataatsimik ilaqutariinnut ataatsinut illuliorfissamik imaluunniit najugaqatigiiffiornissamat immikkoortitsiffiulluni peqatigitillugulu inissiat uiguleriaat pioreersut allineqarsinnaaneranut periarfissiisoqarluni, taamaalilluni immikkoortoq tamanna siunissamat qulakkeerneqarluni. Immikkoortup ilaani inissiaqarfiup tungaanut aqquuserngani ingerlaviit immikkoortiterneqarneri allanngortinnerisigut pisuinnarnut biilertunullu angallannermi isumannaannerulersitsinissaaq.

Maanna atuuppoq kommunimut pilersaarummut tapiliussaq 3A8-4 kommunimut pilersaarut 3A8-3 atorunnaarsinneqarpoq.

### **Ingerlatsivimmit aningaasatigut sulisoqarnikkullu naliliinerit**

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatitallit**

- Pilersaarusionerit aamma nunaminertat atornerartarnerat pillugit Inatsisartut inatsisissaat nr. 17, 17. november 2010-imeersoq
- Inatsisartut inatsisissaat nr. 34, 9. december 2015-imeersoq
- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)

### **Siusinnerusukkat aalajangiinerit**

*Sanarfinermut Avatangiisinullu Ataatsimiititaq, 01.09.22:*

Inassuteqaat amerlanerussuteqartut, (IA aamma N), akuersissutigaat.

Inassuteqaat ikinnerussuteqartut, (S aamma D) itigartitsissutigaat.

### **Ilanngussat**

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Kommunimut pilersaarummut tapiliussaq 3A8-4 liminaq, Nuuk

## **Punkt 19: Lukket**

## **Punkt .: Tamalaat**

### **Beslutning**

Justus Hansen (D): Tasiilami kalaalimineerniarfik pillugu nalunaaruteqarpoq.

## **Punkt .: Imaqarniliap akuerineqarnera**

### **Beslutning**

Imaqarniliaq akuersissutigineqarpoq nal. 16.15.